



# 卷四上

續編卷一

名例

赦原

逃流在 赦後拏獲仍免逃罪案

刑部咨 為報明事據署浙撫永 咨稱石門縣安置流犯高景章

在配 被原籍太谷縣獲解補配一案緣景章係山西太谷縣

人因 張惠擬絞恭遇

來浙酌 發石門縣安置交保周岐山管束詎該犯於乾

六月二十日乘間脫逃將周岐山照例擬杖革去保長

官職名詳 奉准部覆在案于乾隆十五年五月二

書名 成案續編十二卷 乾隆二十年刊本  
撰者 清 同德 李治運 同輯  
卷四上  
內容分類 史 政書 法令 刑案  
索書號 大木-法類-例案-7  
編號 B3851000

彩色首頁1

東洋文化研究所漢籍目錄 編號: B3851000

東洋文化研究所漢籍目錄所藏漢籍善本全文影像資料庫 索書號: 大木-法類-例案-7

漢籍善本全文影像資料庫文本成案續編十二卷 乾隆二十年刊本

版權所有: 東京大學 東洋文化研究所

使用上的注意事項

赦原

成案續編上卷之四



0 1 2 3 4 5 6 7 8 9 10



編卷四

附聚眾抗官

湖省馬朝柱等匪案

湖督永 江督尹 為遵

旨會審具奏事竊照逆匪馬朝柱糾集黨羽潛謀不軌經臣等督全江

楚兩省官兵分頭捕搜陸續擒獲要犯逆黨多人欽奉

諭旨令臣等就近會同審勘除應俟逆首質訊定擬者仍牢固監禁外

餘卽研訊明確分別情罪重輕按律定擬應正法者卽行正法應

發落者卽予發落完結臣等欽遵彼此會商定擬于適中之黃州



府城會勘暨先後抵黃日期節經繕摺 奏明在案茲 臣等帶同  
司道各官提各犯悉心研鞫緣首逆馬朝柱卽馬太朝籍隸楚省  
蘄州移住江南霍邑隨與隣近之白雲菴奸僧正修往來熟識正  
修結拜朝柱之妻甯氏爲母朝柱素詭詐以貧難度日希圖設法  
騙銀于乾隆十二年四月內商諸正修正修亦因貧苦無賴當卽  
允從謂非事出奇異斷難誘哄動人遂造言馬朝柱十六歲時曾  
做土工睡在山上不飲食者七日夢見神人告知伊師在護國寺  
朝柱醒後隨尋至霍山縣火星堂見廟內遺像與夢中神道無異  
詢之廟僧知此廟原名護國寺廟僧因謂朝柱乃有來歷之人指  
赴金山寺見楊五和尚肉身與夢中神像無異至二十歲時復夢

神告知桐城萬山九龍洞內有兵書寶劍馬朝柱至山洞取得書  
劍與張錫玉拜爲郎舅嗣又造言馬朝柱于乾隆十二十三等年  
在霍山鐵爐冲地方兩次得有法劍一口鎮天先兆喜兆恩兆發  
令展魂等旗六手並僞言西洋出有幼主名朱洪錦係前明後裔  
有大學士張錫玉大將吳乘雲係吳三桂子孫李榮爵卽李開花  
常如節胡雲善黃明爵等統兵三萬七千在彼輔助馬朝柱改名  
馬太朝係其軍師僧正修復以此等狂悖之言彙集成本串同張  
朝選卽張士榮宋魁元私相傳播常有李懷仁李太張老珍余東  
來邱繼乾等各出銀二三兩不等上名入夥正修又代做逆示希  
圖聳衆朝柱於十四年二月搬至英邑之大坳溝仍前術騙因不



能取信于人復商正修密製銅劍一把正修鑄太朝軍令四字朝  
柱又圖佔曾經通姦李文先之妻吳氏謀娶張上元未婚妻夏氏  
令正修于劍上鑄前世吳氏今世夏氏並鑄張氏孫氏韓氏展魄  
魂靈字樣又買包頭一幅朝柱正修暗將銅劍包頭先藏于樓子  
石山洞內馬朝柱乃對衆僞言夜夢天上張五姐囑言山洞有寶  
約期往取隨糾楊秉成夏恒三楊吉二陳明揚陳國明宋繼賢魯  
天錫並該犯之兄馬朝仕弟馬朝貴馬朝羣等于乾隆十四年十  
月十五日半夜時分赴山洞內取出所藏銅劍包頭謬稱金劍羅  
帕衆信爲實各出銀上名朝柱遂指劍上所刻將吳氏強佔至家  
又騙夏氏爲妻旋馬朝柱移住羅田縣天堂寨開山燒炭誘人入

夥衆以所取劍帕未嘗日覩爲疑馬朝柱又商之正修私製銅鎗  
一桿銅笏一副正修于銅鎗上仍鑄太朝軍令並金鎗等字笏面  
鑄紅羅記三字笏背鑄丹鳳朝陽圖畫朝柱又製旗兩手銅鏡一  
面與鎗笏先藏于鐵櫃溝山崖石洞定期于乾隆十五年十一月  
二十六日半夜時分糾約僧正修胡南山等赴山觀看馬朝柱進  
洞取鎗笏旂鏡等件付衆宣言鎗旗金笏乃係戰具鏡能照耀天  
下見人三世衆咸驚信不疑馬朝柱復謊言伊有遮天傘撐天扇  
能騰雲駕霧約計三時可抵西洋並稱西洋不日起事興復前明  
索衆出銀入夥隨各插血吞符結盟上名收甯以能爲心腹有吳  
方曙熊得勝先後入夥馬朝柱卽令呂時安吳方美吳方曙熊得



勝等俱各傳播西洋不日兵到馬朝柱在天堂寨聚兵接應各出銀上名可保性命一時被誘上名者遂衆乾隆十六年五月內馬朝柱之兄馬朝仕又引行醫之胡濟修入夥朝柱因濟修能通文墨卽倚爲心腹謀士一切僞捏情事悉由濟修主持濟修作敬神回糧等文以爲誘人入夥之具又爲馬朝柱稱揚作讚以固衆心復作檄文一篇捏稱係西洋大都督吳乘雲所頒又恐劍刻張氏等之說不能取信于人詭稱寄住于汴梁甘子正家又稱亳州等一有功汴梁楊老四均係同夥以致入夥之人漸多于是年秋冬之間又令劉廷佐索家儒康展書吳方文吳濟善吳方曙吳方美熊得勝李正南張明九等在羅田之僧塔寺英山之大甸溝茅草

販石頭噴過路灘五顯廟等處開店招人並揚言入夥之人以髮辮外蓄圈髮爲記當有道士王乾瑞被糾入夥因其粗通文墨胡濟修卽將所作僞檄僞令讚表等文令其抄錄傳揚馬朝柱復于乾隆十六年十月內將伊族弟馬邦念之妹已聘于高景從未婚之妻馬氏誘騙上山僞言係西洋朱洪錦妻稱爲娘娘強拉馬氏中堂令人叩頭朝柱旋又暗製蟒袍補褂頂帽假言西洋送來給與朝柱衆見蟒袍係戲班行頭補服頂帽乃本朝服色各懷疑惑馬朝柱恐衆說破密商胡濟修設謀掩飾胡濟修卽作僞詔一道令馬朝柱交與孫林萬私行刊刷密赴武昌黃鶴樓地方等候馬朝柱遂對衆聲言西洋不日從雲霧中頒詔來楚務到黃鶴樓中



迎接于十一月二十五日令呂時安伴送胡濟修抵省胡濟修又恐爲呂時安識破囑其同寨取費自赴黃鶴樓地方尋見孫林萬孫林萬卽將刷就僞詔用箱盛貯交與胡濟修攜回寓所約有百張迨呂時安取費至寓胡濟修卽告以西洋詔文送到隨同返寨交與馬朝柱對衆開讀衆果信服乾隆十七年正月內馬朝柱將僞詔作劄先後散給胡南山劉進佐王朝瑞許東木孫繼舜劉長年朱明揚王廷賜李正南楊秉成杜席珍鄧正侯各一張吳方曙吳方美熊得勝各三張每張索銀一二十兩四五十兩至一百二十兩不等胡南山又誘胡相五受劄入夥馬朝柱又令胡濟修撰擬印文濟修妄擬統掌山河普安社稷旣受天命福祿永昌十六

字雖經描用因無工料尚未鐫刻至三月內馬朝柱聞八吉堡杜速卽二山并杜席珍因杜速已經犯案拿禁江夏縣監乃濟修假名吳扶危作書令杜席珍往投因稽察嚴密不能投入胡濟修當在武昌鐫刻該犯及胡南山熊得勝吳方美吳方曙姓名圖書各一方符驗攜帶杜席珍而返馬朝柱又令熊得勝勾引鐵匠王廷錫徐文畧入夥各打刀十把及十五把不等馬朝柱亦令鄧萬龍打刀九把胡南山在胡愷士家令張順禮打刀三把鎗頭四個吳方賢又令孫繼舜轉囑劉習萬等赴武昌買刀劍三十七把孫繼舜又代購硝五十觔磺六十觔馬朝柱以爲羽翼已盛意肆行狂悖以致流言四起叅革正法之羅田縣知縣馮孫龍風聞差查乃



該令不能察出實情遽以挖山燒炭勤苦農民妄行稟報臣永常暨撫臣恒文各據稟批飭嚴查去後隨經蘄州知州李秘訪悉前情于三月二十四日親赴王廷賜家起獲刀片白布復據州民吳兆丹首告訊明差掣曾經被誘出銀上名之吳梁氏等詎有吳方遴李仁宗情急拒捕當將李仁宗等拿獲胡南山聞知事發欲將馬朝柱拿首胡濟修詭言事屬無効已令朱連芳前往湖南景陵縣請兵于四月十六日午時準抵武昌令胡南山親往接應馬朝柱又令許萬兒刻太朝軍令四字印旗傳人胡濟修又寫傳單兩張轉給阮先德等分路傳人嗣經蘄州英山等州縣關會查掣馬朝柱聞掣情急于四月初三日同馬朝仕馬朝貴馬朝羣胡濟修

熊得勝吳方曙吳方美吳方文管恒三李正南等攜帶馬氏管氏偕脅附近居民男女共三百餘人齊登天馬寨山上令黃國應執旗糾黨意在抗拒至四月初四日呂時安聞父兄被英山拿獲趨赴天馬寨求救胡濟修見時安情急復詭言大兵將到不日打破蘄州省城給與圖書一方令其往救觀戰旋經官兵查拿初五初六等日被脅上山之人漸次逃散馬朝柱勢孤窮促亦即拋棄馬氏管氏並背劍之皮文遴等逃遁江楚兩省文武各官先後拿獲馬氏管氏胡濟修僧正修等從逆黨羽及被誘被脅各犯共二百餘名口並搜獲逆書逆示傳單符紙令旗圖書等項究追馬朝柱踪跡曾于四月初十日潛至趙紹賢家十三日藏遁鄭令元家至



詰其西洋究係何地朱洪錦等果否在彼屯軍湖南景陵縣確在何處有無軍馬在彼逆書內所載之方珍胡南山所供之甘子正是否果有其人偽詔散過若干餘剩偽詔並詔板偽印各犯上名之冊現存何所及何處尚有羽黨何處存有器械太朝軍令銅印鑄自何人現存何處並該犯等偽檄偽詔與訛傳尚書孫嘉淦偽稿文義相同是否該犯等所造據正修等堅供西洋朱洪錦等名目均係捏造方珍雖有其人係無賴窮民僅止到山一次並未入夥詔板係孫林萬刊刻業已病故英山柯止明家不知藏匿何處偽詔係馬朝柱分散其散過若干存剩若干未能深悉偽印原止撰擬尚未鐫刻上名之冊亦係馬朝柱經手未知下落同夥各犯

俱已供出現有器械亦被起獲此外寔不知有無黨羽軍器存貯何方其孫尚書偽稿並未見過不知造自何人等語臣等恐有狡飾別情備極嚴刑再三究詰各犯矢供不移似無遁情除訊過各犯供情另行具疏 題報外知情窩畱馬朝柱之鄭今元已據霍山縣詳報畏罪自縊孫林萬病故之處行令英山縣嚴查歸結外查僧正修夥同馬朝柱捏稱前明子孫朱洪錦現在西洋藉名興復謀爲不軌且胆敢造逆書逆文偽檄偽詔語句狂悖罪大惡極若僅依謀叛定擬未足蔽辜僧正修胡濟修應照謀反大逆律凌遲處死仍傳蘄州羅田廣濟蘄水英山霍山太湖等州縣示衆以儆兇頑至逆首馬朝柱現雖在逃其謀爲不軌形跡昭彰將來緝



獲法應寸磔雖該犯之父已經身故並無伯叔該犯之子尚屬幼小而弟兄均屬同謀助逆應行立正典刑馬朝仕胡濟善胡南山王朝端呂時安鄧正侯卽鄧得鵠胡相五劉廷伍孫繼舜吳方文阮光德許東木朱明揚劉長年索家儒王廷賜徐文畧鄧萬龍劉習萬等或領受劄付抄傳偽檄或四處糾夥開店招人或打造軍器置備火藥或接受旂令通信窩藏均屬同黨背叛皆合依謀叛已行律擬斬立決仍請臬示各犯已獲之家屬照例分別緣坐財產入官未獲之家屬現飭地方官嚴拿獲日另結馬氏雖係被誘上山馬朝柱脅阻不放不能自主但已經同住數月未便寬貸應與馬朝柱妻子一併解部給付功臣之家爲奴李仁宗知情上名

罪應擬流復拒捕毆差照罪人拒捕律加罪二等從重加不予死擬絞監候胡聖宗黃有成胡愷士王七官鄧慶萬孫玉衡孫登五孫繼占尤康侯龐廷柱吳國祥姜相用盧良選梁永祥畢五段常明何榮三王同仁馬正九等或出資上名或被誘吃符希圖免禍雖無助逆情事但既爲匪黨均難寬縱應照謀叛未行爲從律杖一百流三千里照例僉妻流徙烏喇地方吳梁氏係婦人杖罪的決餘罪收贖楊存信照軍籍有犯一並改發烏喇地方康展書開店招人同黨助惡罪應斬決但係聞拿自首應照例減二等杖一百徒三年其餘各犯或被脅到寨並未吃符上名或雖曾吃符治病不知謀叛情事至悞被雇工代爲挑送什物此等情輕之犯均



應分別枷號杖責至陳上達供出知情隱藏馬朝柱未經到案應將趙紹賢一犯牢固監候候陳上達馬朝柱到案之日質明定擬其高雷馬朝柱之李萬有先據供認知馬朝柱逃避情由繼又堅稱不知供詞未定亦應牢固監候候馬朝柱到案質訊歸結容雷馬朝柱過宿之宋天相現在霍山縣根究馬朝柱去向尚未解到其是否知情隱藏俟訊明另結至四川峨嵋山西洋寨之朱洪錦等清溪鎮甘子正等湖南之景陵縣已據正修供明俱係捏造以從衆聽寔在並無其人其地應免查緝在逃之馬朝柱等現在重懸賞格差委官弁無分疆界四路勅緝并通咨各省一併嚴拿俟擊獲之日另行審結張錫玉一犯雖據各犯供稱係屬捏造但係

逆字內有名應同方珍一併通行飭緝吳兆丹赴官告捕應將所告各犯財產現飭各該地方官嚴行搜查應俟查明同現獲米糧等物一併變價入官銅劍圖書刀鎗令旗傳單等項概行銷燬其江楚兩省在事奮勉與從前失察應行查明議敘議處文武各官等業遵奉

上諭各歸本省查明另行具題再此案逆跡顯著已經訊明之犯無須監候待質其應行凌遲之僧正修胡濟修二名應行斬決之馬朝仕胡濟善胡南山王朝瑞呂時安等均屬罪大惡極法不容誅不便照六月停刑之例稍爲緩待已遵

旨請出王命旂牌于六月初十日押赴市曹先行正法分別傳首梟示



以彰

國憲以快人心應行枷責人犯已飭令司道先行發落完結其餘各犯候題准部覆到日再行辦理所有臣等會審明確分別查辦緣由理合繕摺會奏伏乞

皇上聖鑒訓示施行等因奉

硃批這所奏情節知道了該部知道乾隆十七年七月初一日邸抄

江西省何亞四等匪案

署江撫鄂 爲查審具奏事竊照上猶縣逆犯何亞四等謀爲不

軌拒敵官兵經撫臣鄂 親赴該地督率文武官兵等先後拿獲

要犯逆黨俱經陸續 奏明在案茲臣于前月二十九日抵上猶

縣又據挈獲受劄匪犯劉文科一名當卽帶同署按察使阿桂吉

南贛道方浩南安府知府寶寧吉安府知府沈作朋贛州府知府

葉新上猶縣知縣高憲宗清江縣知縣方懋祿石城縣知縣楊國

瓚等提齊衆犯悉心隔別研鞫緣何亞四係何永吉之子原籍廣

東住居上猶之西東坑地方耕種燒炭爲生何亞四年少狂薄素

有癩子之名于本年正月初五日在水口廟種地刨獲銀三百七



十兩山漚喧傳當有閩人李德先住居崇義縣之聶聲素學算命  
本年五月初間至上猶營前聞知何亞四挖銀遂起意誑騙至何  
亞四家先行覓田耕種爲詞繼以爲伊算命卽以命係大貴聳動  
恐其不信教令作紙旗兩面捲于竹桿插立門首風頭詭言若拜  
得旗開卽是大貴之驗何亞四拜旗旗開遂畱李德先在家李德  
先猶恐不信又令何亞四桌子四張疊起高望于上若拜受不跌  
是大貴人無疑何亞四果聽其言李德先連拜三日何亞四不跌  
私心歡喜信以爲寔李德先卽乘機誑騙銀五十兩而去嗣于六  
月間李德先復至何亞四家勸其設法哄動衆人何亞四允從李  
德先卽用錫塊刻山河二字熨于何亞四之手詭稱天生異相並

自言伊係李開花現有符書能召陰兵陣將舉事不須多人何亞  
四深信不疑迨七月十九日令何亞四出銀十兩買錫鑄印李德  
先刻成條記八個糊模不成字迹僞稱召天兵天將印信李德先  
又言須造旂幟以召陰兵仍須打造刀杖何亞四又給銀五十兩  
何永吉父子兄弟之外李德先等陸續輾轉糾約已獲之何文宗  
李聖昌卽李萬科李雲望卽李萬先董其蘭賴廷佐劉文科李文  
才何成文鄧孟萬董奇明刁九征袁士鳳李明先李茂先李鳳仙  
李志五及未獲之黃仕連何永九何文光何文明何文華何文彩  
何文耀何文魁何文相何文升何相坤及自縊之崔科成等先後  
允從比李德先九月初二日何文宗詭詞轉邀李嘉珍先做青緞



廂邊旗兩面李德先書寫齊天大主等字樣又載有李開花李萬  
科李萬先李萬雲朱紅宗朱紅竹不也先等名稱係天將可展造  
天兵九月初八日李德先誑李勝先家空屋自做紅布旂蜈蚣旂  
五面九月十三日又邀李才並令轉約夏昌才逼借李勝先住  
屋背後起爐脅令夏昌才帮打腰刀六把李德先復令賴廷佐寄  
信伊弟李茂先等囑令製造烏鎗並令糾集族黨人等舉事之言  
李茂先雖未糾集旋放黨即托詞轉借烏鎗三桿嚇令汪子高修  
整並嚇令打造烏鎗二桿子高被脅允從所有修造新舊烏鎗李  
茂先供未取去何亞四又令賴廷先刁九征何監生賴和祥等借  
馬各被斥罵不允惟何亞四母舅師大經于十六日悞被捏詞借

馬一匹旋即偵知情節稟首巡檢在案凡所到之處李德先俱揚  
言何亞四有天兵暗助飛刀飛劍殺人若不允從即能喪命而鄉  
間愚民聞風畏懼旋有被其煽脅者李德先等益肆猖狂即于九  
月十五日見鍾仕建家寬厰欺其孤孀強往先做衣服十七日復  
羣聚伊家寫造偽劄二張內寫左丞李德先右丞朱紅宗又刻龍  
木印一顆封李德先爲左丞相並用藍綢一段拉做七塊令李萬  
科書寫偽劄三張李萬先書寫偽劄四張李萬科李萬先董奇蘭  
黃仕連劉文科各分一張李萬先又寄與王萬一張餘一張交何  
永九收存即于是日強宰鍾仕建家猪一口祭旂李德先復于是  
夜強姦鍾仕建之妻楊氏十九日至下信地方何永九家二十日



強在鍾昇向家門首插立設祭聲言要二十四日舉事卽值官兵  
往捕李德先董奇蘭旋卽起意拒捕令何九祥打鑼何文魁何文  
相賴廷佐放鎗何亞四李萬先李萬科李德先何光何文明何文  
華何文彩何文耀王任連等各皆拒敵官兵旂鎗直冲各犯潰散  
從屋後上山奔逃時值日暮官兵追捕不及當均獲有旂鎗等物  
焚其巢穴而還旋經陸續拿獲何亞四等到案搜獲偽劄逆字錫  
印等項逐一研訊各犯自認不諱再三究詰寔因李德先騙銀起  
意何亞四等悞信陰兵神將之說被愚烏合並無另有串結匪黨  
情事符書二本驗係治病所用此外亦無邪說其旂內所載之李  
開花朱紅宗不也先朱紅竹李萬雲等姓名據李德先堅供委係

私造託名神將寔無其人衆供皆同臣悉心逐加究詰矢口不移  
委無遁情查律載謀叛但共謀者不分首從皆斬妻妾子女給付  
功臣之家爲奴財產入官女許嫁已定子孫過房與人聘妻未成  
者俱不坐父母祖孫兄弟不限籍之同異皆流二千里安置又律  
載若謀而未行爲從者杖一百流三千里其拒敵官兵者以謀叛  
已行論各等語今何亞四聽從李德先設謀倡逆胆敢捏造偽劄  
祭旂糾衆拒敵官兵罪大惡極若與各犯一律駢斬未足蔽辜何  
亞四李德先俱應照謀反大逆律凌遲處死仍傳首梟示以儆兇  
頑何文宗李茂先董奇蘭李萬科李萬先賴廷佐劉文科李文才  
俱領受劄付輾轉糾人拒敵官兵入夥助逆或打造軍器親行送



往均屬黨同背叛皆合依謀叛已行律擬斬立決均應臬示以上  
應行凌遲之何亞四李德先二名應行斬決之何文宗等八名均  
屬逆跡昭著亟應明正典刑不便稍遲臣已于十一月初八日委  
令吉南贛道方浩南安營叅將劉策名押赴市曹監視行刑應行  
枷號人犯飭令司道先行完結擬遣人犯俟另隨全案照例具  
題聽候部覆到日再行辦理未獲各犯一面勒限嚴拏一面分咨差  
緝務獲另結起獲偽扎逆書戳印旂鎗等項臣俱已驗明銷燬除  
另繕供單 呈

覽外所有臣審辦緣由理合恭摺具 奏伏乞  
皇上聖鑒等因奉

硃批覽奏俱悉該部知道乾隆十七年十一月二十日邸抄



劫掠變奏丹悉慈濟賊匪劉十小等十一月二十日劫掠

閩省蔡榮祖等匪案

閩浙總督喀 爲審擬具奏事竊照平和縣逆犯蔡榮祖等散劄糾夥謀爲不軌一案臣于乾隆十七年十二月二十一日在省城接據漳郡文武稟報卽于二十二日自省起程帶同糧驛道楊景素新調臺灣府知府曾日瑛併於途次傳調按察使來謙鳴速行赴漳會同糧驛道楊景素查審又調派泉州府屬南安縣知縣崔國棟原署同安縣候補令熊定猷跟隨赴漳查辦臣于二十八日馳至漳州府卽將已獲首從各犯親行訊明謀逆糾夥訂期攻城種種逆情并將現在督率夥黨究訊明確一面就地卽行正法一面定擬具 奏各緣由具摺恭



力多...  
奏二月初七日奉到

硃批併欽奉

上諭令臣從嚴辦理不可稍存姑息欽遵在案臣先後督飭司道府縣各官將陸續究出拿獲首逆夥黨并牽連誣扳人犯二百餘名晝夜隔別研訊茲據福建按察使來謙鳴署汀漳龍道楊景素率同新調臺灣府知府曾曰瑛署漳州府知府奇靈阿龍溪令許齊卓南安令崔國棟候補令熊定猷審擬呈解前來臣于二月初四日按名提犯親行鞫訊首從各犯均供認不諱俯首伏辜其被匪挾仇誣扳者亦俱質審確鑿除摘敘案由犯供另繕清單恭呈御覽外該臣審看得此案緣蔡榮祖係平和縣學文生世居瑄溪與南

靖縣接壤靖屬南坪山右道士馮珩自幼茹素修煉自誇通曉推算法術能知過去未來鄉民有疾病胎孕求馮珩推算多有應驗又爲人葬墳所言吉凶偶有徵應遠近遂傳有南坪仙之稱蔡榮祖素與交好往來深相信服乾隆十六年十一月間蔡榮祖往探馮珩適有平和縣民楊藕南靖縣民陳循漳浦縣民曾改聞在菴內均與馮珩深相交好榮祖談及馮珩既曉法術何不同舉大事馮珩知楊藕家道稍殷令其出銀四百兩以爲舉事費用卽伊推爲盟主楊藕自以相貌不揚且無才能推托不允馮珩又言藕弟楊藝可爲盟主楊藕又以年輕不可辭謝而散乾隆十七年二月二十九日係馮珩生日蔡榮祖與堂弟蔡明烈鄉隣葉盤並楊藕陳



循同往拜壽時馮珩同族之南靖縣民人馮學馮質亦來拜壽馮質拜壽後隨即先回蔡榮祖等俱在菴吃齋復商圖不軌之事衆議以榮祖係秀才通曉文理且生時滿室光輝必是異人共推榮祖爲盟主推馮珩爲軍師馮珩榮祖各直任不辭馮珩復倡議捐銀招夥各皆允從榮祖同明烈歸家告明烈之父道役蔡湄卽蔡陳蔡湄亦極口慫恿明烈隨邀吳深李必入夥李必捐銀五十兩楊藕捐銀二十兩葉盤捐銀十兩曾改捐銀二十兩馮珩招黃孟入夥銀二十兩李必又逼脅林甦助銀五十兩四月初三日榮祖與馮珩商議派令蔡明烈葉盤李必及李必轉招之賴初分造軍器火藥俱各應允馮珩又與榮祖密商至期先打搶漳州府城欲

舉大事泉州興化一帶地方亦須招人入夥接應榮祖轉招族人蔡漳入夥復因蔡漳往來泉州熟識併密囑赴泉招夥馮珩亦招郭王僧聖果入夥聖果未允郭王允從六月十五日榮祖與葉盤陳循楊藕曾改馮學吳深同在馮珩家結盟祭告天地吃齊心酒榮祖隨與蔡明烈同雇永定縣鐵匠朱隆家打造牌刀撒刀腰刀劍斧等械蔡湄恃係道役練保等不敢過問葉盤賴初李必亦續雇鐵匠張徐打造傘刀劍斧等械賴初又自造鉛子榮祖又自取易經內首出庶物萬國咸寧八字於十月內令府城刻字匠劉東璧托以葢用佃批圖記用石刻就獅頭偽印一顆馮珩妄擬爲號大寧國字樣榮祖自龍邊印板置買綵緞做成扎付九十張令旂



一面扎內或填將軍或鎮標隨意書寫馮珩又以扎內若添省發給之人皆不肯信并慮人首告易於查究遂填浙江發字樣馮珩當卽攜去十二張令各分散招人俱指稱南坪仙行道推蔡榮祖爲盟主分頭煽惑入夥明烈向蔡漳詢知永春州人寄居漁溪之林炳素習拳棒自往招伊入夥囑伊聽信接應又轉招郭陞李振榮蔡鑽林興藩三徐松林功張子梅陳腰陳考林深李明蔡翰林藍林壓林興亦招林溪林報而林報轉招曹成功未允陳腰轉招李侃許溪陳靜黃得勝李必亦招李傍等二十人并營弁林五標吳深亦招翁錐張貢轉招張慎張惠及賴晚招賴明李旁招李鍛蔡宏招林預等三十餘人俱允入夥榮祖因招黨漸多遂與馮珩

定期於十二月十七日打搶漳州府城先令匪夥潛至城內分布至期夥黨同至南門外大道旁空廟會齊分散城內城外黃昏以後城內匪夥放賽月明爲號城外匪夥卽行放火俟各文武官出城救火一齊會同攻擊馮珩又慮黑夜不能辨別議買白布散給各人纏腰或臨時胸前塗抹白粉爲記又恐府城街道生疎擬派頭目糾人引路內應復慮沿海之漳浦海澄廈門三處俱屬毗連打破府城後卽乘勢攻打亦應派頭目招人接應遂派蔡明烈爲瑄溪頭目李振榮爲府城頭目曾改爲漳浦頭目郭五爲海澄頭目葉泗山爲廈門頭目李振榮隨轉招戴大起等十四人爲繼弟營兵李改各令至期分散接應後復告知本宗胞兄歐現及吳嚴



蔡忱翁姓營兵鄧振疆俱未允入夥戴大起亦招陸玉曾改招陳助張品入夥并招翁苞等七人及伊弟曾水令在漳浦等候陳助亦招陳湖并招林清陳品鄭姜未允李印亦招李鍊李便入夥郭五招王椿顏統陳旋蘇彩莊穰葉繆陳邊何德均令在海澄等候葉泗山招紀達等八人約往廈門等候榮祖又招居福清之永春人陳郁令其在漁溪聽信接應蔡漳亦招晉江縣人蘇演在泉州聽信接應馮珩將偽扎轉給楊藕馮學郭王黃孟各一張蔡明烈將偽扎自得一張散給陳腰杜興各一張又令蔡鑽轉交林藍林歷各一張旋俱懼罪退還李必將偽扎自得一張散給葉盤八張李印十張李積善張連三張張貢等十二人各一張曾改將偽扎給

陳助一張葉盤將偽扎給葉安三張胡貴一張李印將偽扎自得一張給楊統一張李積善將偽扎給葉泗山二張葉安將偽扎給葉超一張迨至十二月初間以後李必又派李吾等七人先期往府城內扮作應考童生分往各處于十七日晚城內放賽月明爲號十五十六等日李吾等陸續進府城寄住飯舖張貢又行續糾入夥之張惠及亦進府城寄住飯舖等候十七晚遙相接應十二月十二日李必又派李印在瑄溪保守家眷是日將晚蔡明烈浼伊表兄曾廷瑞李必令伊弟李章同往河下托言童生赴府考試雇船座載曾廷瑞李章往雇張帶之船欲搬運軍器火藥裝運被張帶水手吳謙識破明烈多許船錢一千三百文隨令裝載明烈



令張品將新舊器械同火藥裝入箱篋挑運下船另用甘蔗掩蓋  
蔡榮祖遺帶石印令旂及散剩扎二十一張同蔡明烈李必吾張  
品並雇蔡五蔡山跟隨又強拉曾廷瑞李章一同下船張帶之弟  
張文不知情由帮同駕駛自瑄溪開行至南坪山停泊榮祖往邀  
馮珩告以同後船馮學等踵至馮學卽於十六日同陳循駕馮珩  
白貴之船先至葉盤賴初等裝運新舊器械并鐵炮鉛子十七日  
黎明邀同楊藕葉盤賴初偕往楊藉之弟楊藝年輕畏懼不敢同  
行馮學等舟抵南坪山榮祖之船先已開駕隨邀馮珩相繼前進  
時漳郡文武預有風聞漳鎮中營守備葉相德帶兵赴南靖巡查  
時值署知縣曹下鄉相驗經典史周履忠撥役會同該備前往沿

河一帶查緝適蔡榮祖之船行至湖山地方當被兵役盤住經備  
與典史督同兵役赴船搜出軍器并於榮祖身上搜獲石印令旂  
僞扎蔡明烈身上亦搜出僞扎一張將蔡榮祖等十犯拴獲張帶  
李章鳧水脫逃馮珩等後開之船望見前船被拿棄船奔逸其瑄  
溪一帶由陸路來漳夥黨或行至半路或正欲起身聽聞拿獲匪  
船之信各皆奔回中止其郡城并漳浦海澄廈門各處匪黨亦聞  
榮祖等已獲各將所領僞扎丟棄燒燬避匿不出該備等將所獲  
蔡榮祖等十犯先解南靖訊供榮祖思脫已罪改名林維并將平  
日許訟有仇之武生蔡卓能供爲頭目又扳伊胞弟武生蔡留入  
夥李必亦改名林明李疵改名蔡明蔡玉改名許禹蔡山改名張



山經該縣就伊等捏供通報追續獲各犯提解至郡經蔡卓能并明烈之父蔡涓等指出的寔姓名獲解馮珩至郡與榮祖等質明節次謀爲不軌推作盟主軍師各犯虛衷研鞫據各犯將倡逆共謀造械散扎招夥攻城各情由歷歷供認如恐有隱漏黨夥暨與外省奸匪勾結情事再四嚴刑窮究矢供所招夥黨寔止此數其扎填外省奸匪不過哄騙受扎之人亦無與他省奸匪勾結情事矢供不移委無遁情查律載謀叛但共謀者不分首從皆斬妻妾子女給付功臣之家爲奴財產入官女許嫁已定子孫過房與人聘妻未成俱不坐父母祖孫兄弟不限籍之同異皆流二千里安置等語今榮祖倡議謀爲不軌捏稱僞號造扎制械糾黨攻城馮

珩假托邪術煽惑匪黨號稱軍師主謀助逆均屬罪大惡極若照謀叛不分首從與各犯一律駢斬未足蔽辜榮祖與馮珩俱照謀反大逆凌遲處死馮珩已經監斃仍戮其屍明烈楊藕陳循等三十九犯或共謀結盟或助銀造械或散領僞扎招匪內應或挑運軍器助逆同行均屬黨同背叛合依謀叛不分首從皆斬俱擬斬立決李改吳天鳳林玉標三犯俱係聽招在城候信事尚未行但營兵附入匪黨情罪更重應從重照謀叛律擬斬立決以上各犯俱傳首梟示胡貴葉超賴欣方洪阮蔡蔡障六犯雖未預謀同行但或領僞扎或招匪徒均屬叛黨法難寬貸應照謀叛未行爲首律擬絞立決以上應凌遲之榮祖一名擬斬決蔡明烈等并兵丁



李改等三十六名擬絞決之胡貴等臣卽於二月初八日親行恭請

王命押赴漳州府市曹正法應擬凌遲先已故之馮珩專委漳州府知府魏崢等親詣驗明屍身照例戮屍梟示蔡山蔡玉得錢受雇跟隨會廷李章代雇船隻被脅隨行與領扎預謀同行者有聞應與知情受雇運械之船戶張帶均照謀叛干連例流徙烏喇地方林藍林壓雖經受扎旋以悔懼退還應與被脅隨行之陳靜畏懼未行之楊藝林報林安有故未行之吳涉蔡瑜等十名聞拿未行之蔡鑽等二十二名在漳城漳浦澄海廈門等處候信之林向等四十五名被脅入夥未行之李芬等五名均合依謀叛未行律杖一

百流三千里照例流徙烏喇地方黃汲林壓俱在監病故應毋庸議鐵匠朱隆張徐雖訊未入夥但知情代造軍器法難寬縱均應照謀叛干連例流徙烏喇鄧振疆雖未允入夥但身為營兵當振首告亦應照謀叛干連例鄧振疆雖未允入夥但身為營兵當振榮說知叛情並未首告與尋常知情不首者較重非嚴懲無以示儆應照謀叛干連例流徙烏喇地方蔡卓能質訊雖係仇扳並未共謀入夥其家內搜獲硫磺十餘觔亦係族中公買爲神祀花袍等用並非配藥濟匪但該犯與逆犯榮祖住居隣近已知榮祖等叛情顯著不行首告殊難輕縱除私買硫磺輕罪不議外應照知謀叛已行不首律杖一百流三千里仍照干連例流徙烏喇黃顯



聖僧聖果等十二名雖經質明被邀未行入夥但知情不首應照知叛未行而不首律杖一百徒三年劉東璧代刻偽印訊明不知逆情但不應冒昧代刻應枷號一個月滿日折責三十板張文雖不知運械爲匪情由但同在一船不行查詢混爲幫駕馮質訊係拜壽先回并未共謀亦未知情但不應與邪匪往來均應枷號一個月折責三十板蔡笑代買硫磺蔡團蔡涓等買礦私貯吳彪林高轉售餘利均干例禁應照私販硫磺五十觔以下照私囤斟酌治罪例各杖一百仍枷號一個月滿日折責發落蔡團蔡顯蔡讀年逾七十照律收贖以上定擬發遣人犯現飭查明分別解部發遣枷責人犯照例先行發落蔡芬等訊係無干應行省釋在逃未

獲被招人夥之葉彩李明等嚴行勒緝務獲究擬另結馮珩供出之浙江會稽縣人蕭筆一名詰訊榮祖據稱十六年秋間至馮珩家住宿一夜適與會面一次隨即他往此後并未至漳寔無勾結通謀情事現經嚴飭浙省密行查拿並無其人但此等流匪不便疎縱應照原供年貌再行通咨查緝榮祖馮珩明烈等犯家屬律應緣坐者已飭該縣逐一查拏收禁取具並無遺漏各結分別議擬另案具題各犯入官財產亦令各該縣確查取結造冊送部搜獲偽印偽札令旂驗明發回燒燬刀劍器械銃鉞火藥等項發營變價入官所有失察奸民糾匪結盟謀爲不軌文武職名容俟查明彙入功過案內另題至失察衙役爲匪之汀漳龍道單德



謨已經叅處其失察帖書爲逆之文武并失察兵丁入夥之武職各官職名現飭查開題叅至監斃凌遲罪犯馮珩監斃遣犯林壓黃汲各職名均係署漳州府司獄事常平倉大使高禱猷相應開叅統聽部議爲此具奏奉

硃批三法司核擬具奏乾隆十八年三月初九日邸抄

粵省王亮臣等匪案

廣督呵

爲奏聞事切查廣東莞縣民莫信豐等黨同逆首貢生

王亮臣卽王佐邦謀爲不軌糾黨散留并增城縣民陳貴等細兵搶械一案緣莫信豐素行無賴與王亮臣相好亮臣家資素厚性喜交結市井遊手以爲牙爪致遠近匪徒混稱其輕財重義近年家日消敗不能自存妄謂人多推服陰蓄逆謀遂于乾隆十七年八月與莫信豐密商欲爲不軌信豐許其幫助亮臣先後糾合增城縣湛舉大湛佐一鄧雲可卽鄧傳灝番禺縣之史著輯徐嘉俸博羅縣之王上琰吳相舉等八九月內三次拜盟同謀爲逆以流犯蕭璐教習拳棍以順德縣人梁德往來通信以閩人寓居歸善



縣之道士王天化爲謀主以徐嘉俸并武生史尚安管理賬目以黃上琰領銀承造軍器取號承源製造偽印偽札內自稱帥府填寫將軍都統等各武職名色給與各人分頭糾夥原欲俟糾數衆多再圖舉事至十一月內博羅縣訪問黃上琰與人拜盟拘訊上琰供出與東莞縣王貢生結拜經博羅縣移查東莞縣被亮臣巧詞支飾取保回家詎亮臣以事機已露卽商之莫信豐催令各路上緊糾人舉事當經莫信豐自領將軍札付又帶空北糾合番禺東莞二縣之蕭萬年史尚彩黎雲凌史恒玉史偉玉史滔進等而黎雲凌等復糾合楊侯史大黨邵上冠陳亞復復能等多人又史著輝領交都統札付并帶空北糾合徐瓊陳啟章等數人湛佐一

亦糾合增城縣之陳貴湛初紹湛爲豐劉思黃見剛蘇發清等而湛爲豐等又轉糾湛亞志湛亞能等多人其黃上琰亦糾有何舜典此內所糾之人又輾轉糾夥王亮臣以各邑界內有藍糞山一座寬廣險隘可以盤踞十二月十六日信豐帶領番禺東莞之人赴增城王新會方化湛舉大等帶領增城之人赴增城之華峯山等候十七早王亮臣至山祭旂卽奔新增與莫信豐會合搶劫新增以及田尾廟灣各村并劫增城縣同上藍糞山盤踞再相機而動亮臣時因乏銀使用造爲布照上寫保眷知照中寫周字聲言有照者免其搶劫每張買錢給領十六日晚湛舉大等率衆起行又迫脅近地村民偕往約有百餘人湛舉與湛佐一陳貴陳和五



分執大小游械餘各分執器械上山二更時分經過木古汛舉大恐其報官令陳貴等將汛兵四人緝赴山將汛內器械搶奪到山之後舉大復同王善初等赴附近居民李東朋家搶取米二石半一隻宰烹而食緣彼時各犯紛紛糾約已為該地營縣各官聞風巡查嚴緊王亮臣慮必敗露不敢赴山即將子王紹伯托周暢發領逃自隨分路竄匿莫信豐亦不敢前赴新增湛舉大久候不至遂將汛兵釋回衆各散去當據營縣稟報臣等各馳赴增城地方督拿逆匪搜捕山場各經前後奏報在案茲現獲案犯并犯屬已二百七十餘名跟究首犯王亮臣踪跡據伊妻盧氏稱其逃入連州據連州查獲亮臣之子王紹伯據供伊父與莫沛澤蘇卓

東逃入廣西上思州族家等語現在委員馳往緝捕并於近地及通省隱僻要隘各處給圖面貌慎密偵緝隣省亦遍咨協拿期於必獲此外要犯湛佐一梁德王天化伍善初并夥犯等一體嚴督查拿不敢稍懈其現獲各犯臣等督同各道逐一嚴審各犯同謀為匪散扎糾黨訂期舉事細兵槍劫各情俱經供認確鑿并據莫信豐徐嘉俸等供稱王亮臣扎付承源字樣係承接前代根源之意布照上中寫周字係將口字少寫一直作為暗記以杜假冒臣等隨查此等同謀之犯均係罪大惡極已經拿獲審明豈容一日姑容隨公同司道確核罪名莫信豐一犯為東莞番禺頭人與王亮臣同惡共濟應照大逆律凌遲處死傳首示衆徐嘉俸史恒玉



史偉玉史尙彩徐瓊捷楊量侯蕭萬年黎雲凌陳亞復蕭璐史尙  
安黃上琰吳相舉何舜典湛羽豐陳貴湛紹初湛亞志蘇發清湛  
亞能黃見剛周公信劉益思鄭雲可皆領扎糾黨謀逆網兵之犯  
各依律斬決并行梟示史大黨邵上冠陳啟章未經糾黨俱已領  
扎應與隨從謀逆之犯屬王紹伯各依律斬決周暢發知情隱送  
逆屬照律絞決臣等照江南英山縣逆犯一面正法一面  
奏聞之例已於正月二十八日會同署將軍印務副都統曹瑞提督胡貴  
等恭請

王命提出各犯在於省城市曹分別正法其湛舉大史著輯史滔進三  
人各係倡率糾黨交扎匪犯今湛舉大史滔進各聞拿在家縊死  
史著輯獲訊供認在監用鍊縊死三犯雖伏冥誅未經明正典刑  
并卽委署廣州府知府李璜前往驗明各屍將湛舉大史著輯戮  
屍梟示史滔進戮屍訖臣等一面開列各犯罪名刊示遍諭以儆  
奸頑謹將正法名犯摘開情罪恭摺奏

聞并將起獲偽劄偽照二件進 呈

御覽伏乞

皇上睿鑒至各犯全供併其餘夥犯與緣坐犯屬應擬罪名現飭司道  
趕繕另行會疏具題其續獲之犯亦隨後審擬一并照辦合併陳  
明爲此奏

聞等因奉

文之貴局

逆匪

七



硃批知道了該部知道欽此乾隆十八年二月二十五日邸抄

廣督班 爲奏報事竊查增東等邑奸民不法案內首逆王亮臣要犯梁德黃宗漢湛佐一先後在於崖州江坪及安南之先安地方拿獲經臣等連次恭摺 奏報在案茲各犯陸續解省臣等率同司道各官逐一嚴審王亮臣起意圖謀不軌與梁德黃宗漢湛佐一輾轉糾黨寫刻偽扎偽印分頭散佈網兵槍械各情節一一供認悉與已正法之莫信豐等前招相符其前獲鄧文煥一犯供有劉子美曾稱王亮臣王候貴相贊其謀逆并言有朱紅卓卽李開花可以借他名字起事等語前督臣阿里衮與臣蘇 因徧訊各犯並無識認劉子美之人將鄧文煥暫行監候拿到王亮臣質

明定罪前經會摺 奏明并于 疏內聲明在案茲詢據王亮臣

堅稱并無劉子美看相之事亦不知有朱紅卓其人質之鄧文煥供稱實因聽從王亮臣糾約謀逆并轉糾蘇卓東入夥惟恐供明罪重因將所聞江西何亞四案內查無其人之朱紅卓捏供卽李開花現任贛州又將不知踪跡之劉子美捏供煽惑王亮臣謀逆希圖查緝質訊可以苟延性命其家起出匪字係故父遺存非劉子美所給覆加嚴鞫矢供不移該犯所糾之蘇卓東現亦據高明縣拿獲解省供認鄧文煥糾同入夥伊又轉糾梁瑞貴一人後又窩留王亮臣引送潛逃又案內有前惡陳見思一犯供認與王亮臣管理家務不知逆情暫押候質今與王亮臣質訊原係與聞謀



逆因年老不令入夥第會勸王亮臣赴華峯山舉事又肩任代管  
豕務勸其遠逃亦屬要犯臣等會核情罪王亮臣應照大逆律凌  
遲處死傳首各縣示衆梁德黃宗漢湛佐一各應照謀叛律擬斬  
立決仍各梟示鄧文煥蘇卓東各照謀叛律擬斬立決陳見思比  
照謀叛知情隱藏律擬絞立決臣等謹遵例於三月二十六日會  
同署將軍印務副都統曹瑞副統臣馬瑞圖率領各司道文武官  
員恭請

王命旂牌提出各犯在于省城市曹分別正法訖除現在會核繕  
具題并將此案善後事宜通盤籌畫詳酌妥議另行具  
奏外謹將正法各犯具摺先行奏

聞伏乞

皇上睿鑒再查與王亮臣同獲莫姓一犯據王亮臣供稱夥犯莫泰即  
莫沛澤因崖州知州許良臣分作兩起解省尚未解到容俟到日  
審明續辦另奏合并陳明等因奉

硃批該部知道欽此乾隆十八年四月二十四日邸抄

刑部爲匪徒聚衆謀爲不軌事該臣等會看得廣東東莞縣民莫  
信豐等聽從逆首已革貢生王亮臣即王佐邦散扎糾黨謀爲不  
軌一案據廣督班疏稱將案內情重各犯分別凌遲斬絞傳首  
梟示遵例于乾隆十八年正月二十八日將莫信豐等三十名恭  
請



王命旂牌先行正法其自縊之史著輯湛舉大史滔進亦經戮屍鄧文煥監候質審以上情由俱經恭摺 奏明在案其餘案內夥黨與

續獲之黃明良卽黃天化劉蒂仲李隆耀陳和五等各供認前情不諱均合依謀叛已行不分首從皆斬律擬斬立決梟示經臣蘇于二月二十七日遵例先行正法訖任善初畏罪服毒身死亦戮屍訖石啓繁等擬流改遣湛亞智等擬徒馮聖維等擬以枷責并逆首王亮臣等各犯家屬照律分別緣坐等因具 題前來查律載謀反大逆不分首從皆凌遲處死正犯之祖父父子孫兄弟期親伯叔父兄弟之子不論已未分居籍之同異男十六以上不論篤疾廢疾皆斬其男十五以下及正犯之母女妻妾姊妹及子

之妻妾給付功臣之家爲奴等語此案正犯王亮臣爲首謀逆莫信豐同謀助惡俱屬罪大惡極按律凌遲處死該二犯之緣坐家屬不應如該督等所擬照謀叛辦理應改照謀反大逆律定擬所有王亮臣之母陳氏及王亮臣之弟王東昇王振生該督等擬以發遣莫信豐之子莫亞聰該督等擬以爲奴均與律不符應將王東昇王振生莫亞聰改依謀反大逆正犯之兄弟子孫皆斬律擬斬立決王亮臣之母陳氏亦照律改給付功臣之家爲奴該督等疏稱王亮臣之妻盧氏妾李氏女亞景史恆玉之妻余氏子史亞隆等共八十四名俱給功之家爲奴史尚彩之母羅氏黃上琰之兄黃上瓚等三十四名俱照律流二十里遵例發遣烏喇地方



徐瓊捷之母何氏年逾九十梁德之母蘇氏年逾八十應否免其緣坐聽候部議其聽糾未行之石啓繁與糾夥拜盟之伍起相及拜盟搶掠之湛亞科并上山圖劫之劉金信等共三十二名均合依謀叛未行爲從杖一百流三千里徐之德聞拏投首照律減二等杖九十徒二年半鄧其惠交扎未收與陳凌汗劉伯聰共三名均未入夥但不知首告合依知謀叛已行而不首律杖一百流三千里以上擬流各犯照律流徙烏喇地方湛亞智等共十名不知叛情但拜盟謀劫均請比照謀判未行爲從杖流律酌減一等杖一百徒二年鄧其昇因黃上琰已經縣拏不首與知情不首有聞應照流罪酌減一等杖一百徒三年余紹聖聞拏投首應照律減

二等杖八十徒二年蔡文聚富面史著輯等但知搶劫不知係屬叛犯合依知人犯罪藏匿在家減罪人罪一等杖九十徒一年李馮聖維陳明進等聽糾搶掠臨期未行梁遠竭不知叛情混收旂幟湛成美湛亞聖陳明高被誘拜盟不知搶劫以上共八十名均請照枷號一個月責四十板陶容先陶俊芝聞拏自首應照例減二等枷號二十日責三十板姚亞恩沈坤大糾搶未多但不行首報與被嚇出銀買照圖免劫掠之馬剛茂莫應恒等被誘造械修砲之謝邑畧逼索出銀過交之劉明如劉式失察之地保余祥善共一十三名均照不應重律杖八十莫應恆劉明儒係監生照例納贖等語查徐瓊捷之母何氏雖年逾九十梁德之母蘇氏雖年



逾八十但係叛逆緣坐之犯俱照律不准收贖徐五德聽從入夥  
 躡緝緊急始行投首湛亞智等夥眾拜盟復謀搶劫鄧其昇明知  
 受扎不即首告均不應如該督所題擬流減徒應將徐五德鄧  
 其昇等一併僉妻解部流徙烏喇鉄匠謝邑畧受雇造械擬杖不  
 足示儆應照私造軍器罪止擬流律杖一百僉妻流三千里梁遠  
 竭收受旂幟銷燬湛成美亞舜陳明高聽從拜盟結交匪党均屬  
 不安本分不應如該督等所擬完結應將遠竭湛成美陳明高  
 均照謀叛未行而不首律杖一百徒三年監生莫應恆出銀買照  
 監生劉明儒派令同村出銀過付均不應納贖仍追照送銷餘均  
 應如該督等所題完結再該督等疏稱脫逃首逆王亮臣并逆

犯之弟王顯昇要犯梁德黃宗汗莫泰湛佐一已據續獲審訊王  
 亮臣據供與已正法之莫信豐等前招相符其前獲鄧文煥因供  
 有劉子美稱有朱紅卓即李開花等語是以將鄧文煥暫行監候  
 今據王亮臣堅稱并無劉子美朱紅卓其人鄧文煥供稱係屬捏  
 供希圖苟延又案內前獲陳見思一犯今訊明原係與謀將王亮  
 臣照太逆律凌遲處死傳首示眾梁德黃宗汗湛佐一照謀叛律  
 擬斬梟示鄧文煥蘇卓東均照謀叛未行律斬決陳見思比照謀  
 叛知情隱藏律絞決遵例于三月二十八日恭請  
 王命旂牌分別正法訖夥犯莫泰解到續辦等語查王亮臣等既據該  
 督等分別正法毋庸議外其夥犯莫泰應令該督等審明辦理具



題至署東莞縣知縣周紱業據該督等 奏稱首逆王亮臣係該縣  
 卽行差役快同拏獲經臣部另議 奏明完結在案應毋庸議其  
 此案失察之文武各官應遵

旨免其查叅再此案緣坐犯屬內爲奴之莫亞聽擬遣之王東昇王振  
 生三名臣部改擬斬決遵例會同都察院大理寺核擬具

題奉

旨王東昇王振生莫亞聽俱著卽處斬餘依議乾隆十八年八月二十

四日邸抄

聞省銀民會匪案

聞浙總督喀 等爲審明定擬遵

旨具奏事切照本年五月內臣等訪得邵武府屬有奸民杜國祥杜奇  
 等倡立鉄尺會糾結多人橫行鄉曲密飭道府查拿結會奸民嗣  
 經拿獲會犯羅家球訊出杜奇等有製造偽劄散買情事卽於杜  
 國祥家內搜出偽劄底稿復於杜正連家內搜出偽印臣等因察  
 其偽劄文詞及偽印語句隱懷不軌之心恐別有來歷黨羽一面  
 飛飭道府押解案犯赴省臣等親行督審一面將究出實情辦理  
 緣由於七月十九日恭摺 奏

聞欽奉



殊批令臣等具摺奏聞欽遵在案嗣經提犯至省並續獲要犯杜奇等  
檄委福州府知府徐景熹等會同嚴行鞫訊前據署按察使根驛  
道顧 等覆審定擬招解到臣臣等提犯督同司道逐加詰訊與  
司道府所審供情無異緣邵武縣奸民杜奇自幼學拳棒素行強  
梁乾隆十一年間因近村馬丹九等酗酒肆橫杜奇欲與抗衡遂  
同堂弟現充邵武兵丁之杜國祥先後邀約廖志勇二十九人結  
拜弟兄計圖幫護又同里監生羅家璧家道殷實先於乾隆元年  
因父故弟幼邀集羅康松等十一人結拜關聖會以禦外侮內羅  
家球長成家璧遂將會事交卸家球承管家球遂漸邀增羅文耀  
等十六人每年五月祀神飲酒迨至乾隆十五年杜奇會內之黃

啟茂被馬丹九等毆傷適羅家球會內之羅康松見而不平出頭  
幫護並被毆傷于是杜奇羅家球兩會合作一會以圖制勝十五  
年五月十三日在下神廟會聚飲酒共會衆五十六人杜國祥做  
成會序將各人姓名登入會簿交杜奇收存從此鄉民傳言傳有  
鐵尺會之名遂有府縣書役許紹雲等亦先後入會乾隆十七年  
三月初二日杜奇又邀建陽縣馬快江茂並僧道三等在杜國祥  
家結會亦將姓名附入簿內以上各犯雖經違禁糾眾結會向無  
插血焚表爲匪情事至是年四月十三日杜奇又以杜正連頗有  
膂力復同道三邀往杜正連及伊兄杜正榮伊弟杜正模至道三  
菴內同杜國祥彭至萬楊耀張惟華羅棋盤黃會川葉金山等在



菴住宿飲至夜深彭至萬葉金三酒醉先睡杜奇等各誇本領杜奇輒起意爲匪倡言會友已衆俟荒旱之年風吹草動可以橫行無阻衆各稱好杜奇又欲另招好漢杜正連以無憑據難以招致杜奇隨憶及故祖杜士元曾于國初時在魚池內拾有鄭逆僞總兵官銅印一顆存在杜國祥家可以爲憑隨于十五日至杜國祥家取出銅印擦磨光亮同杜國祥往杜正連家給與觀看作爲招人憑據杜正連之從十六日杜奇帶印同杜國祥杜正連彭至萬復至僧道三菴內買備三牲杜國祥撰寫祝文在神前祭告並斬斷雞頭立誓如有背盟卽此雞杜奇令杜國祥捧印遞交杜正連收受共飲而散二十日杜奇又至杜正連家以銅印止有一顆不能分給必須另製劄付方可分用因伊二人不能製造杜國祥至杜正連家商議製造劄付杜國祥密畫出劄邊式樣交與杜奇二十五日杜奇將劄式携給素會雕佛之會友張繼美令其照刻一塊張繼美聽從刊刻二十九日杜奇携歸至五月初七日將板交給杜國祥杜國祥出其所擬劄稿與看囑其托名係李開化所給易于招人杜奇見稿內靖共爾位四字不似招人語意令杜國祥更改杜國祥又改招軍士字樣杜奇隨買黃白紙張杜國祥卽刷黃紙劄付二十張白紙劄付一十張時因杜國祥之妻鄧氏見而吵鬧杜奇恐致洩露隨將紙劄同板携交彭至萬寄會友張惟華家收藏嗣杜奇復以紙劄不壯觀瞻且無蓋印恐人不信思欲製



造綾劄猶恐杜國祥之妻復行吵鬧杜奇于五月內向租曹捷元空閑書館一間並買黃綾一疋邀杜國祥製造綾劄因紙劄之板長大綾幅窄小難以刷印杜奇往喚張繼美至館令其另雕龍邊一條杜國祥于篆文要訣書內描出秦璽受命于天既壽永昌篆文八字令張繼美用木刻成印信將黃綾裁作十一幅適楊耀來城學習弓馬應試武童杜國祥邀其至館同住令楊耀幫同刷刻共造劄付十一張楊耀囑杜國祥另揆提督劄文自填劄付一張杜國祥亦詭填杜長嘯姓名兵脩道劄付一張作爲樣式誘人承領六月二十五日江茂同蔡觀生至舖探望杜國祥因江茂在建陽縣熟識人多招其入夥江茂許其黃坑一帶招入杜國祥隨填

給將軍劄付一張並因蔡觀生素善拳棒填給總兵劄付一張至夜蔡觀生在書館打拳致巡兵查巡杜奇等恐其復來收查將木印邊板燒燬後因杜正連江茂各緣官事未清杜正連復又患病纏綿未經散劄至乾隆十八年三月間杜奇欲出門散劄缺乏盤費遂同杜正連往與羅家球相商告知散劄情事羅家球允出路費並欲同往杜奇以羅家球係有錢之人既肯出銀散劄將來可以續製綾劄隨于初四日向張惟華將紙劄取回燒燬四月初三日羅家球携銀十二兩令甯義標挑運行李至杜正連家杜奇携劄七張並杜長嘯劄一張于初六日同杜正連羅家球甯義標四人出門初八日至高日耀家填給輔國將軍劄付一張高日耀收



受初十日杜奇等又至徐周太家填給將軍劄付一張徐周太收受允爲招人適杜正連染病當卽回歸五月初九日杜奇杜正連復携空劄共六張至黃周生家填給黃周生將軍劄付一張周生隨邀杜奇等至吳鄭周家招鄭周入夥填給將軍劄付一張吳鄭周許俟舉事助穀一百石時因邵武府文武訪有鉄尺會名色差捕四出查拏杜奇等聞知訪拏鉄尺會人犯隨卽奔回杜奇私向同會之邵武府書役許紹雲邵武縣書役熊子敬探問消息並告以曾經散劄托其照應隱匿許紹雲告以查拏嚴緊恐致敗露囑勿供扳紹雲又轉向同會之府書劉陞告知杜奇散劄情由劉陞熊子敬俱扶同不肯杜奇隨卽回至杜國祥家將劄舖交結收藏

十一日杜國祥將空劄三張並劄樣一張用紙封固寄與鄰居相好之邵武協左營兵丁楊奎邦藏收十五日杜奇將會簿藏于衣箱內寄放會友黃啟茂家十七日杜國祥被拏搜獲劄稿楊奎邦懼累將劄交與杜國祥之母羅氏卽在灶內燒燬十八日杜奇聞杜國祥被拿又令寺僧傳心至黃啓茂家取出會簿燒燬六月初六日杜正連逃至光澤縣李君蘭家止稱結會事發給銀五錢求其收藏李君蘭引至山洞潛匿十一日黃周生被獲遇見徒弟吳從周令其往囑吳鄭周將劄燒燬江茂被拏適遇族人江允泰隨以燒燬匣內之物件之語寄信伊母亦將劄付燒燬節據縣營先後拿獲各犯究明倡謀爲匪交印造劄分頭招人各情由歷歷如



繪誠恐會衆俱有同謀暨與外省奸匪勾結隱藏偽劄縱漏夥黨情事嚴加窮究僉供會衆寔未知情同謀其指稱粵省李開化名色止圖聳人領劄與粵省奸匪寔無勾結之事至所造綾劄寔止十一張俱因拏問銷燬並無隱匿縱漏矢供不移查律載謀叛未行爲首者絞爲從者皆杖一百流三千里等語今杜奇起意造印造劄謀匪應照謀叛未行爲首律擬絞立決杜國祥代撰劄稿摹擬印篆共謀散劄杜正連接受銅印允許招人共謀造劄以上二犯與杜奇同惡相濟若照爲從減等未足蔽辜應請照爲首律亦擬絞立決羅家球代出盤費同往散劄僧道三窩留結盟交印楊耀高日輝江茂蔡觀生黃周生吳鄭周徐周太等各受將軍提督

總兵僞劄應照謀叛未行爲從律杖一百流三千里照例流徙烏喇地方張繼美知情代刻劄邊木印彭至萬代寄僞劄甯義標挑運行李知情跟往散劄杜正模杜正榮知情見劄張惟華受寄紙劄楊奎邦受寄綾劄羅旂盤雖于造劄散劄訊未知情但結會之夜杜奇倡言謀匪該犯雖在場共聞許紹雲熊子敬劉陞旣知散劄情由匿不首報以上十一犯均合依知未行而不首律杖一百徒三年許紹雲現于邵武府知府周克昌叅案內有受贓之處俟彼案審明從重歸結李君蘭止知杜正連結會事發不知造劄謀匪情事合依知人犯罪引送隱藏減罪人罪一等律應照結拜弟兄杖一百減一等杖九十吳從周係黃周生教授拳棒徒弟除寄



信吳鄭周燒劄輕罪不議外合依投師學習拳棒例杖一百仍枷號一箇月江允泰代江茂寄信燒去匣內物件不知僞劄情由曾捷元租給杜奇書館不知造劄情事均請免議搜出僞印劄稿發回銷燬所有失察兵丁杜國祥謀匪並失察書役許紹雲等扶同諱匿之該管官于該犯等甫經糾結之時卽經拏獲搜出僞劄底稿其扶同諱匿情由俱經自行究出寔于事前覺察呈報所有失察職名例得邀免其寔未知造劄爲匪情事僅止邀合會衆結拜弟兄亦無插血焚表至羅家壁等各犯臣等現在分案審明照律定擬分別發落完結合併陳明等因具 奏奉

旨杜奇杜國祥杜正連俱着卽處絞餘俱着照該督撫所擬分別發落

法司知道乾隆十八年十一月十一日邸抄



志同賊黨劉十八等十一日收

捏造馬朝柱逆書案

刑部為查審具奏事江西司案呈內開抄出據暫署江撫鄂

奏稱玉山縣刁徒喻開仕捏造逆犯馬朝柱偽書一案緣喻開仕與同邑朱捷三等俱有夙嫌妄圖報復因聞楚省有逆犯馬朝柱謀為不軌事發在逃喻開仕即乘機假借馬朝柱之名造作逆書將平日有仇之朱捷三陳顯光鄔子德徐蒂良詹樹英王晉佩鄭翔千舒昭明潘乾忠劉達江范希能李象賢官尚廷陳作求葉令文舒聖千徐孔將徐俊臣并摺寫陳大典江一萬二名以足二十人之數妄以副將千總名目約破州縣等逆詞載在書內潛自封固面寫差趙雲彪字樣用硃標判又偽刻馬朝柱印四字圖章印蓋



書函于乾隆十七年八月初二日携至常山縣境內衝途之南海亭插入石壁縫內莫圖往來人拾獲報官將朱捷三等拿究以洩其忿適有常山縣民左雙興于初三日由南海亭經過見而拾取因不識字尋人看視比有常山縣役徐燦聞知詢明拾書緣由取書報明營縣該縣蔣祖培將所開朱捷三等札移玉山縣拏審一面將逆書呈繳浙江撫臣衙門旋據玉山縣知縣李世基拿訊朱捷三等僉供並不認識馬朝柱及趙雲彪其人并據縣民徐元文稟首喻開仕于七月間曾借去伊故叔徐其達輿望字樣舊圖章一方屢取不還恐其磨鐫被累又據朱捷三等供明平日惟與喻開仕有隙必係伊偽造誣陷等情具稟江西督撫二臣俱批飭提

犯赴省質究而閩浙督撫二臣亦委令金衢嚴道羅源浩赴江查訊隨同江省司道會審據喻開仕供認逆書乃其自造自寫圖章亦係自篆自刻因與朱捷三等十八人俱有夙嫌偽造逆書以圖傾陷不但陳大典江一萬並無其人卽趙雲彪亦係捏寫逐一供明不諱并令其口述逆詞之語篆刻圖章之文均屬相合質之朱捷三等或因其囑托營求收銀未還或因其捏詞妄控審明受責更或因有口角微嫌及爭產細事俱未遂所欲遂羅織衆名有心陷害并據朱捷三承認得受喻開仕銀三十六兩未還一一供吐如繒臣于十月二十二日抵江當經帶同布政使王興吾署按察使阿桂金衢嚴道羅源浩糧儲道劉堯裔覆加確訊供情相符查



喻開仕因懷挾私仇欲圖傾陷輒敢詭借馬朝柱之名平空造作逆詞與助逆爲匪無異喻開仕合照妄布邪言書寫張貼煽惑人心爲首者斬立決例應擬斬立決于齋戒滿後不係停刑日期在于江西省城正法以彰國典朱捷三供得喻開仕銀兩另行議結報部其餘無辜人等已先行省釋至趙雲彪陳大典江一萬俱無其人應無庸議等因具奏乾隆十七年十一月二十一日奉硃批這所奏情節該部知道欽此

造賣海票誑騙銀錢比照造妖書妖言傳用惑衆律分別問擬

案

刑部爲密飭拏究事本部會同院寺會看得匪犯李二等造賣海票誑騙銀錢一案據浙撫雅疏稱緣李二原籍海寧在桐鄉縣鍾禹汪家傭工乾隆十六年六月初十日李二同鍾禹汪之侄鍾天嘉及隣人周士彥在田畝乘涼彼此言及貧難度活李二卽起意造賣海票誑騙銀錢鍾天嘉周士彥允從遂湊錢一百二十文交李二至杭城免已故張文遠刻成當票式樣印板一塊上刻隆興號三字并吳隆山木戳一個又一張銀兩字樣木戳一個并鐫吳龍山圖石一方攜回鍾天嘉家內印刷二十張先填李二周士



彥鍾天嘉本名三張開寫銀十六兩用紅色戳記各自收執以爲騙人憑據并捏稱係崇民望海山李老子給發陸續將票賣給董武公沈成天朱天奇沈敘文錢大錢小八鍾天成陳大有蔣三老等一十二張每票賣錢三百文烹分入橐至九月間有潘德賢聞知賒票五張同潘士升交捕役沈源稟首桐鄉縣知縣李輔德拘拏審訊並不窮究詳報止將李二周士彥鍾天嘉三犯枷責完結李二通知伊兄李以祥于陳昌緒家屋簷下將藏板取出燒燬迨十一月間李二帶枷患病董武公同沈鳴臯前往探望李二向董武公借錢疎枷董武公卽湊錢五千文交保長劉天相報病經沈鳴臯沈五老具保釋放在蔣鳴臯家同蔣三老董武公等酬神飲

酒李二復商謀重刻托陳富年向不知姓名刻糕印担上另刻鑿與號票板一塊在陳昌緒家刷印四百餘張陳昌緒陳富年分手填寫二八月銀二十四兩字樣誑稱二八月銀兩從望海山送交用吳隆山發票戳記及山水人家小圖書分給董武公二百張董武公又先持去四張又給鍾天嘉周士彥蔣三老蔣鳴臯各二十五張沈五老沈二老高三老顧爾公等共一百張令往各鄉騙賣又填鍾大文一張抵給借錢付鍾廷良收執嗣周士彥蔣鳴臯共付李二銀二十兩董武公付李二七折錢三十三千文董武公將票賣給陳玉文張四吳三陳四昌等四張復轉給蔣三老一百張曹與謝費林十五張姜天生八張徐子家七張蔡鳴臯二張董李



昌一張給王魁利五張爲沈玉林看見每票得銀數錢至一兩不  
等餘票于乾隆十七年正月燒燬其轉付蔣三老之票因無人承  
買被董武公索銀爭競燒燬謝費林王魁利徐子嘉姜天生等聞  
知亦將票焚燒並未轉售至周士彥分收之票賣給沈九臯十張  
得錢四千文曹永良引賣王五老十五張得錢三千文王五老未  
經轉賣爲歸紹林看見勸令燒燬蔣三老分收之票賣給施啟祥  
二十張得錢六千文餘五張燒燬施啟祥未敢轉賣亦卽焚燒鍾  
天嘉分收之票轉付李天章得錢四千文李天章未賣亦經燒燬  
其餘之票李二于逃走時焚燒無存李二見二月期近恐人索銀  
又陳昌緒之祖陳右源聞知欲將陳昌緒處死陳昌緒遂同李二

潛逃上海等處販賣線帶生理迨乾隆十七年五月初二日買票  
之陳世昌偷竊田苳被營縣拏獲搜出海票稟報到臣飭司提犯  
究訊并將從前縱匪匿報之該縣李輔德具疏題參一面移咨江  
省飛拏李二等解浙查無望海山李老子吳龍山等名目隨督同  
司道等嚴加究鞫已據各犯供認不諱查律載凡造妖書妖言傳  
用惑衆者斬監候不及衆者流三千里若他人造傳妖書隱匿不  
送官者杖一百徒三年等語李二兩次商謀希圖誣騙銀錢但捏  
造海票名色情同妖言不便輕縱將李二比照造妖書妖言傳用  
惑衆律擬斬監候周士彥等擬流李天章等擬徒沈鳴臯等擬杖  
等因具題前來據此應如該撫所題李二合比照造妖書妖言



傳用惑眾者斬監候律應擬斬監候秋後處決該撫既稱周士彥  
鍾天嘉董武公陳昌緒陳富年蔣三老沈五老意圖騙錢扶同李  
二分給轉賣均已燒燬合比照不及眾律各杖一百流三千里查  
僉發遣買票之李天章顧爾公施啓祥謝費林徐子嘉王魁利姜  
天生沈成天陳大有朱天奇沈敘文陳玉文王五老張四吳三陳  
世昌錢大錢小八鍾廷良蔡鳴臯等均比照他人造傳妖書隱藏  
不送官律各杖一百徒三年到配折責限滿詳釋沈鳴臯除賄保  
李二輕罪不議外應同知情不首之李以祥鍾大文曹永良沈玉  
林歸紹林等均比照知人謀害他人不首告律各杖一百折責發  
落地保劉天相得錢五千文合依枉法贓一兩至五兩無祿人減

等律杖七十折責二十五板仍革役時逢熱審杖罪減責發落  
已經首報之潘德賢沈源潘士升并年未及歲之劉福受得相容  
隱年逾七十之陳右源及不知情之鍾禹汪均請省釋刊刻票板  
之張文遠已故毋庸議各犯所得銀錢并劉天相賄錢同李二貨  
物錢文照追變解入官等語除應擬徒罪之顧爾公據該撫續報  
該犯在監病故不議外餘均應如該撫所題完結逸犯蔣鳴臯沈  
二老高三老沈九臯董季昌鍾天成等應令該撫速飭嚴緝獲日  
另結等因乾隆十八年三月十二日題十四日奉  
旨李二依擬應斬着監候秋後處決餘依議欽此



山西萬泉安邑刁民聚眾抗官案

大學士訥 晉撫愛 奏為遵

旨查審事乾隆十二年四月二十三日奉

上諭前因山西萬泉安邑有聚眾抗官之案特差侍郎雅爾圖前往辦理今據奏報于中途患病不能前進又據巡撫愛必達奏稱萬泉縣刁民屯聚多人把守城門有此情形必有巨奸為之主謀煽惑愚民逞兇肆惡猖獗至此非尋常聚眾可比着大學士公訥親乘驛前往給與欽差大臣關防率同巡撫愛必達嚴行查辦以彰國法欽此欽遵臣訥于五月初二日抵萬泉縣會同撫臣愛將先後拿獲人犯張世祿等逐一嚴行究訊除各犯供詞另繕供單進



呈外該臣等會看得萬泉縣刁民張世祿等聚眾不法一案緣萬邑錢糧有民戶鹽戶之分民戶丁銀有地差門銀等名色鹽戶惟徭銀一項各自解納由來已久乾隆九年奉文丁攤地畝該縣循照舊制議令民鹽分攤縣民張九駱郭大建冀將民戶丁銀攤入鹽戶托已革舉人張澳琳生員馮鳴鑾改寫狀詞里書馮世祿科派各里銀錢又令馮世祿賈世興史帝佐三人各赴省具控撫臣阿批司飭查前任叅革知縣皮蔚訊知張澳琳做狀情節張澳琳畏懼卽同貢生高則仰等赴縣報遞樂從分攤甘結馮君爵與其反覆糾合張鳳雨等于九月十三十六兩日放火焚燒張澳琳張鳴鑾閭廷聚王安慶四家房屋馮世祿等三人上省具控署撫臣班

因知該犯等有放火之事飭司將馮世祿押發蒲州府收審馮君爵張鳳雨張九榮郭大建隨亦自投到案共禁府監本年正月該府縣因刁民抗糧不納差委紳衿張澳琳等赴鄉曉諭張世祿等輒將紳士毆辱逼寫脫里傳單三月內該縣將放火案已經投到又行脫逃之馮君爵拏獲解府及案內應質之張世祿張譚賈五子三人押縣審有退快役張正惠同史考娃王滿蒼等糾合多人乘該縣赴府未回將張世祿三人搶去張世祿等卽赴學聲言罷考張世祿又向各里收斂銀錢欲圖復控適蒲州府朱發聞知罷考之信于四月初八日到縣張世祿會同史考娃等商議糾約各村民人于初十日聚眾數百人進城圍住知府公館勒要在府

逆匪

罷



監禁之馮君爵等七犯提回萬泉史考娃用斧背毆知府家人王升楊大道史黑拉住知府朱發擁出南門郭二建小史兒王娜各打朱發一下知府朱發依允卽回公館隨發硃單差役赴府提犯又恐知府回郡人犯不提回張世祿史考娃楊大道派人分守城門至十二日人犯提到次日釋放之後始行漸散臣等細加研訊已據各犯一一供吐不諱反覆究詰委無遁情查定例山陝兩省刁惡頑梗之輩假地方公事強行出頭逼勒平民約會抗糧聚眾聯謀斂錢構訟抗官塞署聚眾至四五十人者爲首照光棍例擬斬立決爲從擬絞監候逼勒同行之人杖一百又例載兇惡棍徒挾仇放火延燒未傷人者擬斬監候爲從發邊衛充軍等語今張

世祿始而斂錢告狀協同放火繼而傳帖抗糧倡言罷考復又主謀糾眾困辱知府勒要提犯把守城門乃通案巨魁應照爲首例擬斬立決仍比照強盜殺人放火干係城池衙門併積至百人以上例梟示張正惠辱官索犯把守城門况係同謀又糾眾進城搶奪照衙門人犯寔爲首惡應照爲首例擬斬立決史考娃斂錢放火兩次同謀搶奪人犯持斧傷人分佈夥黨把守城門楊大道同謀聚眾索犯毆官派撥各犯把守城門兩犯俱係同惡相濟與首犯情罪相等若止照爲從擬罪不足蔽辜應照爲首例擬斬立決馮君爵斂錢構訟起意放火連燒四家兇惡已極未便照本例擬斬監候各從重改爲斬決以上斬決人犯俱照臣等原奏一面具



奏一面即于本地正法王滿倉張譚郭二建同謀聚眾搶犯爲從  
放火辱官又俱把守城門史黑娃王娜羅隨從搶索人犯毆官把  
門俱應照爲從例擬絞監候秋後處決張鳳翽等十三人俱以聽  
從守城困辱知府馮世祿張九榮賈世興郭大建俱係斂錢告狀  
挾制官長應將張鳳翽等均照假以建言爲由挾制官府例發邊  
衛充軍張鳳雨史帝佐放火爲從均係挾仇放火未傷人爲從例  
發邊衛充軍小史兒卽同索犯毆打知府合依因事聚眾將監臨  
官毆打例發邊外爲民趙三明知王滿倉事發差拏乃敢資送逃  
遁合依人犯罪事發官司差人追喚資送隱匿者減罪人一等律  
杖一百流三千里馮貴王祥旣身充鄉地輒因被勒糾人應照逼

勒同行杖一百例加一等杖六十徒一年吳有謙郭天成李狗娃  
馮一蠻史五娃等三十三人均係逼勒隨行並無別犯俱應照逼  
勒同行例杖一百馮自偉雖充鄉地亦係被脇糾入且曾出具樂  
從甘結不便加等擬徒應仍照逼勒同行例杖一百張讓并已革  
舉人張澳琳生員馮鳴鑾商同改寫狀詞吳清豐赴府縣具控監  
生王士寧在縣倡言不許蓋戶人在民籍考試張受益代寫脫里  
傳單已革武生馮一道出言令告人赴省具呈俱合依不應重律  
杖八十以上杖罪俱照例折責三十板仍遵熱審減等先行發落  
王士寧革去監生其辱紳之賈五子及懇求張正惠設法救出伊  
弟張世祿之張世福俟獲日另結其餘人犯審係無干者俱已省



釋所有應行查叅之文武各官統俟審理安邑案結之日一併查  
叅謹奏乾隆十二年五月十二日奉

旨三法司核擬速奏欽此欽遵該刑部等會看得除通案巨魁之張世  
祿等五人已經大學士及該撫遵照原奏該犯地方卽行正法無  
庸置議外查定例山陝刁惡頑梗之輩假地方公事強行出頭逼  
勒平民抗糧抗官聚眾至四五十人為從者擬絞監候等語今大  
學士等奏稱王滿倉張譚郭二建同謀聚眾搶狙辱官史黑娃王  
娜羅隨從搶犯辱官把門等語應如大學士等所奏王滿倉等五  
人均照例擬絞監候秋後處決再大學士等奏稱張鳳翽等十三  
人及馬世祿等四人均照假以建言為由挾制官長例定擬查假

以建言挾制官長例應附近充軍本案張鳳翽史偏頭等十三人  
係聽從挾制官長之犯雖與首惡有間而隨從肆橫情殊玩梗留  
之附近未足示懲應與放火為從未致傷人之張鳳雨史帝佐均  
發邊衛充軍史小兒隨同索犯毆打知府合依因事聚眾將監臨  
官毆打例發邊外為民趙三明知王滿倉事發差拏乃敢資送逃  
遁合依知人犯罪官司差追資送隱匿者減罪人一等律杖一百  
流三千里馮貴王祥既身充鄉地輒因被脇糾入應照逼勒同行  
杖一百例加一等杖六十徒一年吳有謙等三十九人均係逼勒  
隨行訊無別犯俱應照逼勒同行例杖一百馮自偉雖充鄉地亦  
係被脇糾入且出樂從甘結不便加等擬徒應仍照逼勒同行例



杖一百張謙併已革舉人張澳琳生員馮鳴鑾商同改寫狀詞吳清壘赴府縣具控監生王士寧在縣倡言不許鹽戶考試張受益代寫脫里傳單已革武生馮一道出銀令人赴省具呈俱合依不應重律杖八十仍遵熱審減等先行發落王士寧革去監生其辱紳之賈五子及張世福候獲日另結其餘人犯審係無干者俱已省釋等語均照大學士等所擬完結所有應行查叅之文武各官應俟大學士等審理安邑具題到日再議其已革之舉人張澳琳生員馮鳴鑾監生王士寧武生馮一道候

命下之日知照禮兵二部可也奉

旨張世祿等五人已于該地方正法知道了王滿倉張譚郭二建史黑

姪王娜羅俱依擬應絞著監候秋後處決餘依議乾隆十二年五月

二十日邸抄

大學士訥 晉撫愛 奏前事臣訥 隨會同撫臣愛 于審明

萬泉縣刁民聚眾一案之後卽于五月初九日赴安邑縣卽將拿獲人犯張遠等逐加研訊除各犯供詞另繕供單進

呈外該臣等會看得安邑刁民張遠等聚眾不法一案緣張遠身充邵村新舊門頭總催抗欠歷年錢糧懷恨差役催追屢次需索又恨戶房喬大明爲上郭村糧戶分甲錢糧無可攷收那移又因本年二兩以上新糧開催欠戶揣測各村人心不悅起意糾眾赴縣開關三月十三日張遠自縣回家途遇伊表母舅上郭村李樞告知



情由李樞應允時有李五魯踵至聽聞其言張遠卽挽其代送傳單張遠隨卽回家將單寫就單內寫明如有一村不到卽將鄉約房屋燒燬等語于十五日將傳單送上郭村交與李五魯傳付保正李林水林水亦因伊子李善欠糧曾被差役催追懷恨常與李樞李迎祉商議糾集村人李樞又科派銀錢給作盤費十八日張遠又復單催李林水等于十八日先令衆人備辦乾糧上縣十九日又鳴鑼聚衆催促起行林水又言東門外牌坊不利令衆拆燬張遠聞知各村糾集已定先于十九日赴縣完納錢糧欲以掩飾耳目是晚上郭村邵村并三路李村鄉民齊集各持草束以爲村庄不從放火逼脅之用併將沿途經過村庄人裹帶同行二十日

已刻聚集城外先將東門外牌坊拆倒後要革役放犯叅革知縣佟濬將書辦喬大明枷示城上併將衙役楊文祥等十二名當時革退始行散去時至午後復有續至鄉民聚集北門因城門關閉各將挾帶草束堆積城門之下共行放火當被城內開門撲滅擒獲張貴張興張永祥三人時鄉民聞知平陽總兵經臨卽時奔逸至晚又有復來之人途遇散回之王管子商議以張遠等被獲恐官司查審究出真情因遂復聚北門王管子等倚恃人衆勒要張遠等多人佟濬當時放出旋于次日拏獲張貴因傷殞命至四月初三日該縣佟濬訪知聚衆同行有三路李村李景星等差拘查訊正欲起行有各犯親屬暨呂伏揚等阻止要回四月初五日李



林水聞有兵拏人將至卽挖濠塞路以爲防範而邵村之陳帝元三路李村之呂黃中陳本合亦各將濠路挖塞四月十七日差役查拏張遠有伊堂侄張小官鳴鑼號名邵徐子等差役因見人衆張遠又未露面尚未拘拏官兵至時張遠旋即就擒隨將前後各犯審據各供如繪反覆究詰並無遁情查定例山陝兩省刁惡頑梗之輩假地方公事強行出頭逼勒平民約會抗糧聚衆聯謀斂錢構訟抗官塞署或有冤抑不于上司控告擅自聚衆至四五十人者爲首照光棍例擬斬立決爲從擬絞監候逼勒同行之人各杖一百又律載放火故燒公廨倉庫係官積聚之物不分首從皆斬須于放火處捕獲有顯跡証驗明白者乃坐等語今張遠抗欠

錢糧因差人需索等事卽起意親寫傳單聚衆闖闐縣城臨時又以完納錢糧爲名先于縣衙巧爲遁匿欲圖漏網種種刁惡巧詐實爲此案罪魁應照爲首例擬斬立決李林水因怨恨衙役樂從張遠傳單遂連次鳴鑼糾約黨羽復令預備乾糧首催上縣闖闐是釀爲聚衆之案寔因該犯一力所致罪惡與首犯相等亦應照爲首例擬斬立決仍照臣等原奏一面具奏一面卽于本地正法李樞與張遠李林水俱屬同謀且科銀錢資給村人盤費李迎祉同謀鳴鑼糾集人衆李五魯代送傳單又首先率衆闖縣俱應照爲從例擬絞監候秋後處決王興見村民放火卽將所積之草隨同焚燒城門馬子邁因聞人衆放火之語隨卽同聲附和城門旋



被火燒應照放火故燒公廨倉庫不分首從皆斬監候律應擬斬  
監候秋後處決王管子張立業倚恃人衆索要犯人應比照挾制  
官長例發邊衛充軍呂伏揚知官司差拘呂成邵等率領各親屬  
要截拉回張小官聞差拘伊叔張遠遽敢鳴鑼拒阻俱應照官司  
捕獲罪人聚衆中途打奪者爲首杖一百流三千里陳帝元呂黃  
中陳本合挖濠塞路希與遁匿應照知人犯罪官司差人拘喚藏  
匿在家減罪人罪一等律杖一百流三千里呂子盛李陽娃等十  
人各照中途打奪爲從減一等杖一百徒三年呂成印等六人被  
阻之後抗不到官合依犯罪拒捕于本罪加二等律杖七十徒一  
年半李成子李經瑞被脇同行又隨同拉倒牌坊張成身充鄉約

被脇糾人邵君雨等十人俱被脇隨行挾草拋擲城門之下應照  
逼勒同行例加一等杖六十徒一年高三娃等七十一人逼勒隨  
行應照例杖一百以上杖罪照例折責仍遵熱審先行發落內有  
年逾七十者照例收贖縣役王英催糧需索應于佟濟泰案內審  
明從重歸結餘審無干概行省釋至已革安邑令佟濟平日縱容  
家人衙役作孽以致民心不服三月二十日刁民糾衆圍城該縣  
受其逼脅將書辦枷責城上衙役革退所獲毀門人犯旋被刁民  
勒放有玷官常現在已經叅革應俟彼案審結之日併案從重議  
結外委把總馮世勳係屬專汎目擊刁民聚衆折坊燬門不能擒  
捕應照山陝刁民聚衆專汎武職不行擒拏例革職署都司魏傑



因刁民聚衆闖關奉委赴安巡邏地屬兼轄行至城外正遇刁民索犯該弁亦不擒拏寔屬瀆職亦應比照專汛例革職再萬泉一案臣等曾奏明于安邑審案完結之日查叅今查得另案之萬泉令李廷棟身為縣令不能詰奸禁暴一任刁民肆橫明知舉人張澳琳上年因丁糧一案被刁民放火燒房本年正月復令下鄉勸諭攤納致被刁民毆辱逼寫傳單抗納錢糧三月內拏獲放火餘犯既不收禁又不解府拘押班房致被刁民率衆搶去搶犯之後延至半月並不查拏以致四月初十日刁民輒敢糾衆進城大肆猖獗該縣在城悉聽刁民挾制毆辱知府把守城門及致散後轉以百姓于知府公館跪門乞恩持香跪送等詞捏稟聞有蒲協兵

至差人向都司吳璘說兵來不要進城恐各官性命難保懼怯昏憤至此已極蒲州守朱發爲一郡之表率平日庸懦一時因循上年萬邑刁民放火燒燬民房該府並不拘拏後因刁民赴省被獲遞解到府收禁該府又不迅速審結屢次稟詞尚以邀恩祝網爲請及至刁民自無法紀于三月內聚衆搶奪縣衙人犯聲言罷考該府聞知恐干例議遂于四月初八日親赴萬泉勸諭致被刁民張世祿等圍住公館拉架出城逼要府監人犯該府應允遂回公館出票鈐用縣印刁民不從卽手書硃票給發差役提犯併罵各犯俱給牲口前來以冀于脫身又差人向都司胡璘說兵不必來恐致漸起禍端偷生苟免罪無可逭署都司胡璘奉委協拏萬泉



人犯帶兵百名于十二日行至臨晉聞知萬泉開闢之言頓居不前該弁身居將領輒以府縣一言按兵不動退縮怯懦有干軍紀外委把總劉鐘職居專汛不能防範罪寔難辭典史黃德隆官居捕盜不能緝獲職更有虧河東道周紹儒身列監司闖茸無能萬泉縣刁民屢肆猖獗該道兩次奉委至城並不查拏一犯止以出示曉諭爲事至四月初九日又奉委赴萬泉拿犯行至臨晉聞有開城之信不敢前進轉復張大其事以恐致損威有傷國體等詞具稟刁民散後竟不赴彼查拏反將知縣李廷棟調赴臨晉詢問情形畏葸乖謬莫此爲甚蒲州協副將王悅職居副戎所屬萬泉地方刁民聚衆干犯城池咎寔難辭查例載幅內府縣與武職官

同住一城者若遇盜賊生發守備不前被賊攻臨城池者武職官比照守邊將帥失陷城寨斬監候其府州縣併掌印捕盜官比照守邊將帥被賊入境內律發邊衛充軍等語又律載領兵官已承上司調遣而逗遛觀望不依期進兵策應因爲失悞軍機者並斬監候等語又律載盜賊侵犯城池者專汛兼轄各官俱革職該管總兵官降二級調用提督降二級戴罪圖功等語應將此案專汛之外委把總劉鐘照例斬監候秋後處決兼管之蒲州守朱發專管之萬泉令李廷棟雖係文職寔屬罪首若照本例擬軍不足蔽辜亦應比照武職例將朱發李廷棟均擬斬監候秋後處決專管之典史黃德隆職司獲盜應照例發邊衛充軍兼轄之署都司胡



璘領兵不進應照例擬斬監候兼轄之周紹儒奉調不前但無兵馬之責應比照武職領兵不前例城等擬流將周紹儒杖一百流三千里係旂人解部發落兼轄之蒲州協副將王悅應比照賊盜侵犯城池兼轄官革職例革職統轄之巡撫兼管提督愛 總兵羅俊臣訥 已于另摺奏以上各按情罪分別定擬伏乞

皇上勅下三法司核擬施行謹 奏奉

硃批三法司核擬速奏所奏官弁俱着革職拿交刑部治罪欽此欽遵該刑部等會看得安邑縣刁民張遠等聚眾不法一案准大學士訥 會同山西巡撫愛 奏稱將前後拏獲各犯審擬各犯如繪反覆究詰並無遁情查定例山陝兩省刁惡頑梗之輩儆地方公

事強行出頭逼勒平民約會抗糧聚眾聯謀斂錢措訟抗官聚眾或有冤抑不于上司控告擅自聚眾至四五十人者為首照光棍例擬斬立決為從擬絞監候逼勒同行之人各杖一百又律載放火故燒公廨倉庫係官積聚之物不分首從皆斬監候須于放火處捕獲有顯跡証驗明白乃坐等語今張遠抗欠錢糧因差人需索等事即起意親寫傳單聚眾闖鬧縣城臨時又以完納錢糧為名先至縣衙巧于遁匿欲圖漏網種種刁惡巧詐寔為此案罪魁應照為首例擬斬立決李林水因怨恨衙役樂從張遠傳單連次鳴鑼糾約黨羽復令預備乾糧督催上縣闖鬧是釀為聚眾之案寔因該犯一力所成罪惡與首犯相等亦應照為首例擬斬立決



仍照臣等原 奏一面具 奏一面卽于本地方正法將李樞李  
迎祉李五魯依例擬絞監候王興馬于邁依律擬斬監候王管子  
等擬以軍流徒杖外委把總馬世勳署都司魏傑擬以革職并將  
萬泉縣把總劉鍾蒲州府知府朱發萬泉縣知縣李廷棟署都司  
胡璘依律擬斬監候典史黃德隆擬軍河東道周紹儒擬流蒲州  
協副將王悅革職等因具 奏前來除此案罪魁之張遠鳴鑼糾  
約羽黨之李林水二犯已經大學士訥 等遵照原奏于該地方  
卽行正法無庸置議外大學士訥 等旣稱李樞與張遠李林水  
俱屬同謀且科斂銀錢資給村人盤費李迎祉同謀鳴鑼糾集人  
衆李五魯代送傳單又首先率衆鬧縣王興因見村人放火卽將

所挾之草隨同焚燒城門馬于邁因聞衆人放火之語隨卽同聲  
附和城門旋被火燒等語應如大學士訥 等所奏李樞李迎祉  
李五魯俱合依山陝頑梗之輩假地方公事強行出頭逼勒平民  
抗糧抗官聚衆至四五十人爲從者擬絞監候例均應擬絞監候  
秋後處決王興馬于邁俱應照放火故燒公辦倉庫不分首從皆  
斬律均應擬斬監候秋後處決大學士訥 等旣稱王管子張立  
業倚恃人衆索要犯人應比照挾制官長例發邊衛充軍呂伏揚  
知官司差拘呂成印等率令各親屬要截趕回張小官聞差拘伊  
叔張遠遠敢鳴鑼拒阻俱應照官司捕獲罪人聚衆中途打奪者  
爲首律杖一百流三千里陳帝元呂黃中陳本舍挖濠塞路希冀



遁匿應照知犯罪官司差人追喚藏匿在家犯罪人一等律杖一百流三千里呂子盛李楊性陳二廣呂免根呂小子呂三姓邵徐子陳招娃孫李成馬執崑邵月中陳保郡等各照中途打奪為從律減一等杖一百徒三年呂成印陳甲吉子呂景星呂萬寬陳秀娃子呂甲午被阻之後抗不到官合依犯罪拒捕于本罪上加二等律杖七十徒一年半李成子李經智被脅同行又隨同拉倒牌坊張成身克鄉約被脅糾人邵君兩王三姓李七姓郭長王狗娃張勞娃張鎖子楊娃子景下盛姚宗順被脅隨行挾草拋擲城門之下應照逼勒同行例加一等杖六十徒一年高三姓張友姓張孟娃申閩娃李三娃武宗信陶文清陶珩陶傳世陸胡李自祥張

有授喬有德梁進盛趙成喜魏小官趙弘信趙弘士張思盛李王娃裴劉成楊五子呂滿娃李楊娃呂三娃伍萬成姚振法岳大有黃士信王振中李可信邵三杖馬一同李永宜張開泰何成娃張有拔李康泰李流海馬正奇邵朝娃王立保邵來五陳元會馬興煥陳見國趙玉鎮邵大元杜宗順陳十命邵正贊邵蒙楚邵整才段九江李萬緒李景玠尼文平李世元李秦李時道陳王臣段天保李大爵呂升隆馬景恭呂萬旭呂蒙起張世榮景周娃景狗精王天直以上俱係逼勒同行應照例杖一百以上杖罪照例折責仍遵熱審減等先行發落內有年逾七十者照例收贖縣役王賢等催糧需索應于佟濬叅案內審擬從重歸結餘審無干槩行省

大清律例

卷四

逆匪

是



釋等語均應如大學士訥等所奏完結再大學士訥等  
奏稱已革安邑縣知縣佟濬平日縱容家人衙役作弊以致民心  
不服三月二十日刁民糾眾圍城該縣受其逼脅將書辦枷責城  
上衙役革退所獲燬門人犯旋被刁民勒放有玷官常現在已經  
奉革應俟彼案審竣之日并案從重議結等語應如大學士訥  
等所

奏辦理再大學士訥等又稱外委把總馬世勳係屬專汛目擊刁  
民聚眾拆坊燬門不能擒捕應照山陝刁民聚眾專汛武職不行  
擒拏例革職署都司魏傑因刁眾闕開奉委赴安巡邏地屬兼轄  
行至城外正遇刁民索犯該弁並不擒拏寔屬溺職應比照專汛

例革職再萬泉一案臣等會奏明于安邑審案完結之日一併

查奉今查得案內之萬泉縣知縣李廷棟身為縣令不能詰奸禁  
暴一任刁民肆橫明知舉人張漢琳上年因丁糧一案被刁民放  
火燒房本年正月復令下鄉勸諭攤納致被刁民尋毆逼寫傳單  
抗納錢糧三月內拏獲放火餘犯既不收禁又不解府拘押班房  
致被刁民率眾搶去搶犯之後延至半月並不查拏一人以致四  
月初十日刁民輒敢糾眾進城大肆猖獗該縣在城悉聽刁民挾  
制毆辱知府把守城門及至刁民散後轉以百姓于知府公館跪  
門乞恩持香跪送等詞捏稟聞有蒲協兵至差人向署都司胡璘  
說兵來不要進城誠恐各官性命難保懦怯昏憤至于此極蒲州



府知府朱發爲一郡之表率平日庸懦一味因循上年萬邑刁民放火燒燬民房該府並不拘拿後因刁民赴省被獲遞解到府收禁該府又不迅速審結屢次稟詞尚以邀恩祝網爲請及至刁民日無法紀于三月內聚眾搶奪縣衙人犯聲言罷考該府聞知恐干例議遂于四月初八日親赴萬泉勸諭致被刁民張世祿等圍住公館抗架出城逼要府監人犯該府應允遂回公館出票令用縣印刁民不從卽手書硃票給發差役捉犯並寫各犯俱給牲口前來以冀早于脫身又差人向都司胡璘說兵不必來恐致激起禍端偷生苟免罪無可追署都司胡璘奉委協拏萬泉人犯帶兵一百名于十二日行至臨晉得知萬泉開闢之信頓居不前該弁

身居將領輒因府縣一言按兵不動退縮怯懦有干軍紀外委把總劉鍾職居專汛不能守禦罪寔難辭典史黃德隆官居捕盜不能緝拏職更有虧河東道周紹儒身列監司闕茸無能萬泉縣刁民屢肆猖獗該道兩次奉委至城並不查拏一犯止以出示曉諭爲事至四月初九日又奉撫委赴萬泉拏犯行至臨晉聞有開城之信不敢前進轉復張大其事以恐致損威有傷

國體等詞具稟刁民散後竟不赴彼查拏反將知縣李廷棟調赴臨晉詢問情形畏葸乖謬莫此爲甚蒲州協副將王悅職居副戎所屬萬泉地方刁民聚眾干犯城池咎寔難辭查例載幅裨府州縣與武職官同住一城者若遇盜賊生發守備不脩被賊攻臨城池



者武職官比照守邊將帥失陷城寨擬斬監候其府州縣并掌印捕盜官比照守邊將帥被賊入境內律發邊衛充軍等語又律載領兵官已承上司調遣而逗遛觀望不依期進兵策應因而失誤軍機者並斬監候等語又例載盜賊侵犯城池者事屬反叛專汎兼轄各官俱革職該管總兵官降二級調用提督降二級戴罪圖功等語應將此案專汎之外委把總劉鍾照例擬斬監候秋後處決兼管之蒲州府知府朱發專管之萬泉縣知縣李廷棟雖係文職寔屬罪首若照本例擬軍不足蔽辜亦應比照武職例將朱發李廷棟均擬斬監後秋後處決專管之典史黃德隆職司捕盜應照例發邊遠充軍兼轄之署都司胡璘領兵不進應照例擬斬

監候兼轄之河東道周紹儒奉調不前但無兵馬之責應比照武職領兵不前例減一等擬流將川紹儒杖一百流三千里係旗人解部發落兼轄之蒲州協副將王悅應照賊盜侵陷城池兼轄官革職例革職等語查外委把總馬世勳係屬專汎日擊刁民聚眾拆坊燬門不能擒捕署都司魏傑地屬兼轄因刁眾闖關奉委赴安巡邏行至城外正遇刁民索犯該弁並不擒拏再蒲協副將王悅職居副戎所屬萬泉地方刁民聚眾干犯城池均干法紀應一併遵

旨革職拏交刑部治罪臣部一面行文晉撫并原擬斬監候之劉鍾朱發李廷棟胡璘擬軍之典史黃德隆擬流之周紹儒俱卽拏解來



京到日臣等分別核擬具題為此謹 奏奉

旨張遠李林水巴于該地方正法知道了李樞李迎祉李五魯依擬應  
絞王興馬于邁依擬應斬俱着監候秋後處決餘依議乾隆十二年

五月邸抄

山西萬泉安邑聚眾抗官案內文武各官治罪案

刑部等為遵

旨查審事會看得山西安邑萬泉兩縣刁民聚眾等案先經大學士訥

會同原任山西巡撫愛 奏稱安邑縣外委把總馮世勳係屬

專汎目擊刁民聚眾拆坊燬門不能擒捕應照山陝刁民聚眾專

汎武職不能擒拏例革職署都司魏傑因刁民騁鬧奉委赴安巡

邏地屬兼轄行至城外正遇刁民索犯該弁並不擒拏寔屬溺職

亦應比照專汎例革職再萬泉一案臣等曾 奏明于安邑審案

完結之日一併查叅今查得案內之萬泉縣知縣李廷棟身為縣

令不能詰奸禁暴一任刁民肆橫明知舉人張澳琳上年因丁糧



一案被刁民放火燒房本年正月復令下鄉勸諭攤納致被刁民毆辱逼寫傳單抗納錢糧三月內拏獲放火餘犯既不收禁又不解府拘押班房致被刁民率衆搶去搶犯之後延至半月並不查拏一人以致四月初十日刁民輒敢糾衆進城大肆倡獗該縣在城悉聽刁民挾制毆辱知府把守城門及至刁民散後轉以百姓于知府公館跪門乞恩持香跪送等詞捏稟聞有蒲協兵至差人向都司胡璘說兵來不要進城恐各官性命難保懦怯昏憤至此已極蒲州府知府朱發爲一郡之表率平日庸懦一味因循至前萬邑刁民放火燒燬民房該府並不拘拏後因刁民赴省被獲遞解到府收禁該府又不迅速審結屢次稟詞尚以邀恩祝網爲請

及至刁民目無法紀于三月內聚衆搶奪縣衙人犯聲言罷考該府聞知恐于例議遂于四月初八日親赴萬泉勸諭致被刁民張世祿等圍住公館拉架出城逼要府監人犯該府應允遂回公館出票鈐用縣印刁民不從卽手書稟票給發差役提犯並寫各犯俱給牲口前來以冀早于脫身又差人向都司胡璘說兵不必來恐致激起禍端偷生苟安罪無可道署都司胡璘奉委協拏萬泉人犯帶兵百名于十二日行至臨晉得知萬泉開闢之信頓居不前該弁身居將領輒因府縣一言按兵不動退縮怯懦有干軍紀外委把總劉鍾職居專汛不能防守罪寔難辭典史王德隆官居捕盜不能緝拏職更有虧河東道周紹儒身列監司闖茸無能萬



泉縣刁民屢肆猖獗該道兩次奉委至城並不查拏一犯止以出示曉諭爲事至四月初九日又奉撫委赴萬泉拏犯行至臨晉聞開城之信不敢前進轉復張大其事以恐致損威有傷

國體等詞具稟刁民散後竟不赴彼查拏反將知縣李廷棟調赴臨晉詢聞情形畏葸乖謬莫此爲甚蒲州協副將王悅職居副戎所屬萬泉地方刁民聚衆干犯城池咎寔難辭應將外委把總劉鍾照例擬斬監候兼管之蒲州府知府朱發專管之萬泉縣知縣李廷棟均擬斬監候專管之典史王德隆照例發邊遠充軍兼轄之署都司胡璘照例擬斬監候兼轄之河東道周紹儒擬流兼轄之蒲州協副將王悅應照例革職等因臣等遵

旨行文晉撫提拏各員弁等去後今據該署撫德 將該員弁等拏解

到部臣等 細核原 奏該員弁等懦怯退縮以及闕茸不職各等

情俱罪無容辭據此應如大學士訥 等所 奏參革外委把總

劉鍾合依盜賊生發守備不設被賊攻陷城池者武職官擬斬監

候例應擬斬監候秋後處決參革蒲州府知府朱發參革萬泉縣

知縣李廷棟俱應比照盜賊生發守備不設被賊攻陷城池武職

官擬斬監候例應擬斬監候秋後處決參革署都司胡璘應照領

兵官已承上司調遣而逗遛觀望不依期進兵策應因而失悞軍

機者斬監候例擬斬監候秋後處決參革典史王德隆應照掌印

捕盜官比照守邊將帥被賊侵入境內例發邊遠充軍至配所折



責四十板參革河東道周紹儒應比照武職領兵不前例減一等杖一百流三千里係旅人折枷號六十日滿日鞭一百再大學士訥等奏稱兼轄之蒲州協副將王悅應照賊盜侵犯城池兼轄官革職安邑縣外委把總馮世勳署都司魏傑應照山陝刁民聚眾專汛武職不行擒拏例革職等語應如大學士等所擬照例革職之處臣部業經知照兵部在案臣等未敢擅便謹題乾隆十二年八月初四日奉

旨劉鍾朱發李廷棟胡璘俱依擬應斬着監候秋後處決餘依議

浙省遂昌縣刁民聚眾調鬧塞署案

刑部爲奏明事本部會同院寺會看得遂昌縣奸民毛琰等調鬧塞署一案據浙江巡撫永疏稱緣遂邑本年四五月間米價昂

貴該縣黃令詳請平糶倉穀并領海運漕米五百石在城設廠糶賣其各鄉地方係該縣分往四鄉勸諭紳衿富戶各出餘穀設廠平糶以濟貧民按照時值酌減每牙定價七分每人止糶一牙着令保正在廠督理已據各戶情願分認日期屬所共有民認平糶米穀五千餘石自五月十四日糶起久已相安無異閏五月初九日西鄉大柘廠係值生員周岐認糶日期周岐因住居石練且欲一總出賣不肯在于大柘零糶該保正王茂生及家人朱姓等稟



知該縣于初九日至鄉親勸周岐不依遂封其大柘鄉倉米穀欲行詳究另勸別戶認糶初九初十十一三日之後該處無米平糶黃令于十二日卽發官米四十石至廠接糶該縣官米糶價原經詳定每石賣銀一兩七錢俗例不用升斗以牙管量筭每米一石共該三十牙零九管核計每牙該收銀五分五厘八折收錢四十四文十三日保正尹觀榮赴縣回廠黃令諭以城廠已每牙減糶二文大柘鄉廠亦卽一體減價是日何廷元赴廠買米勉已減價二文疑前一日之價係保正私增討還十二日一文之錢王茂生等不依葉和生見而出頭爭鬧又有武生毛琰自經在城見過該縣定價四十二文之告示聞知爭鬧至廠指稱保正徇獎苦害貧

民同葉和生在廠嚷罵而退毛琰起意與葉和生商謀書寫匿名揭帖招人控告卽在葉和生家內毛琰口念葉和生書寫二紙帖于米厰廟門王茂生及該縣管廠朱姓家人等令斗級吳福華赴縣稟報十四日該縣差拘葉和生何廷元訊究何廷元已于是晚被拘葉和生不服拘喚邀同毛琰商謀欲約里老教人一同赴縣求情免責次早葉和生卽至米厰自與王茂生用繩對縛毛琰程孔目朱伯明徐明生何廷元等同行赴縣葉和生一路喊叫黃天保正害民之語哄動衆人遂有華三妹等附和而來同行漸衆中途撞遇尹觀榮吳福華自縣領米回廠葉何生卽令何廷元將尹觀榮一并對縛入城毛琰率領衆人先至儒學繼至汛防求救該



教職千把等亦隨赴縣該縣黃培任出堂訊問毛琰率衆上堂爭辨該縣撒籤欲打葉和生毛琰站立暖閣下大呼不責作弊保正而反責窮民激動衆人闐闐暖閣公座亦被擠倒該縣見衆情恂恂與千把教職等進至二堂衆人亦退毛琰復向葉和生商謀以闐闐縣堂皆伊等西鄉人所爲必定閉闔店舖罷市搬石疊塞縣門始成通縣之事葉和生嚇逼闔店毛琰指揮衆人搬石疊門隨有華三妹脅同李太劉自明李興富胡德榮邱大妹張金生等將縣門疊塞華三妹又因曾經犯賭受責具出言挾制必欲另換一官毛琰復與葉和生恐嚇衆人以黃培任上府告訴卽有死罪必待本府至縣先待伊等控准方好散去脅令衆人于縣前并令章連

科坐守縣門稽看署內出進文書同城文武並不查拏毛琰葉和生復欲坐寔該縣之罪造爲封倉封碓獨糶漕米路遠妨農縱容保正舞弊之說布告于人謂欲待知府到日出控該府聞知因病瘥臥床委員景邑李令至縣當時傳喚朱伯明等問其起衅原委毛琰等使令朱伯明卽以封倉封碓保正作弊之語回覆李令諭衆開店人亦散去先後拏獲各犯供認前情不諱將毛琰等照例擬以斬絞枷杖等因具奏前來查定例直省刁惡頑梗之輩因事聚衆鬧堂塞署違究毆官積至四五十人以上者爲首照例擬斬立決一面具題一面正法仍照強盜殺人例梟示其有同謀聚衆轉相糾約下手毆官者雖屬爲從其同惡相濟與首犯無異亦



憲昭光棍例擬斬立決其餘爲從之犯俱照例擬絞監候若被脅同行審無別情者照例各杖一百等語今此案毛琰等鬧堂塞署脅衆罷市應照此例辦理除應擬斬梟之首犯毛琰卽毛儀賢業經該撫照例先行正法梟示外其起意開廠商寫匿名招帖聽從毛琰指使號名罷市之葉和生寔屬同惡共濟應如該撫所奏葉和生應照光棍例擬斬立決華三妹因犯賭挾恨藉勢洩忿章連科守住縣門稽看文書均屬刁惡亦應如該撫所奏華三妹章連科均應照其餘爲從例擬絞監候秋後處決該撫旣稱李太劉自明李興富胡德榮邱大妹張金生何廷元程孔目徐明生朱伯明葉東壽童國柱訊係被脅附和同行應照例各杖一百何廷

元葉錢擊鮮聽從指使仍枷號兩個月徐仁德黃岳來吳翼漢周日興王有明葉有亮孟錫連王俊良尹希堯均係被誣應同並未私增羅價之保正王茂生尹觀榮斗級吳福華均毋庸議餘犯緝獲另結等語均應如該撫所奏完結再該撫疏稱知縣黃培任教諭平奇新千總趙國宰外委千總葉芳名等業經分別另疏題奏咨會督提二臣斥革該府駱大鵬輕率通報統歸該縣叅案審明另結等語應俟該撫具題到日再議等因乾隆十六年七月二十六日題八月初二日奉

旨葉和生着卽處斬華三妹章連科俱依擬應絞着監候秋後處決餘依議



中央研究院  
圖書室